

INKULO YA CHALICHI

CABENA EFESO



Shikulu Amipale.

Bushe kuliko umuntu umo uuleensha mo—motoka ya Dodge, Dodge iipya, lisensi iya nambala WX-2129, eminike ukutoloka umusebo kulya? Nasha amalaiti, amalaiti yakalamba na fyonse, nafyaka. Kabili nga cakutila ulya muntu umo aleensha ilya motoka, mulandu nshi, iwe kufuma nokushimya amalaiti yobe. Yena ilifye kulubali lwaku kuboko kwa kukuso ukwa musebo, ukuyafye mu Eighth Street. Ndetunganya iyo ni nambala iya mu New Albany, WX-2129. Motoka iyakashika iya Dodge, motoka iipya iya Dodge, iyo iili mupepi na '59, '60, nangu pamo ukukonka ifyo. Kabili Nshishibe nga cakutila kuliko umo umuntu muno nangu umuntu umo acibafye... ukufuma ku ncende imo. Nacilungama, ico caciba. Kabili eico ico cintu icisuma. Nomba, Ine nshilelandafye ukutila ni banamayo labeniko pali ico, pantu Naine ndacita ico pamo.

² Ukuba, cena icine cine cisuma ukuba mukulongana nakabili munshita ino iyabushiku, kabili nokukwata ino nshita iisuma iyenge capamo pa Cebo. Bushe imwe mulesangalala pali Ico? [Ulukuta lwatila, “Ameni.”—Kale.] Oh, ico nacilungama, ifwe natukwatafye iyawama, iyawama inshita. Kabili nomba ifwe tulecetekela ukutila Lesa alatwafwilisha fye ukutwalililapo.

³ Nomba, munyinane aile nokuya leta icipampa icafita pano, lelo cena—cena nacipipisha, cena tacili icasumbuka ukuya pamuulu. Eico ubushiku bwa mailo, ukuba, Nkesha ukwisa cibika pano, ukushingulusha cena pamuulu ukucila nokucilenga ukuba ifyo... Ndefwaya ukwisa lengapo ifintu ifya lekana lekana ifyo Ningafwaya ukulondolola, eico imwe kutifye... kabili icakutifye imwe mukaba abashininkisha ukutila nomba imwe icine cine mwakwata Ico.

⁴ Cali icakuti... Ubushiku ubwafumineko, nangu mailo cena cali, umukashana wandi umunono, Sarah, cena cali icisuma. Banyina na Ine twalelolesha pe pepala lyakwe ilinono; ena alelemba ifyo nalelanda. Kabili ena alilembele ifintu fyonse ifyalungama bwino fye, Esaya na Mateo kabili na fyonse ifintu. Kabili palya penefye pa mpela iye—iye pepala, ena abikilepo “Kabili—kabili imfwa... Inshishi tayakwata nakabili ukucimfya muli yena, kabili imfwa yakwete ulubola lwaiko ulwatintilwe.” Ena ali nemyaka mupepi na cine lubali iyakufyalwa. Kabili ena mucifulo cakukwata “Ubusokololo,” atile, “Ibuuku ilya fyakucinja cinja.” Ukuba, ico cilelangisha

ukutila bena baliba abatemwa ukweshwa ukukwata icintu cimo, nangu cibe ifyo, bushe teifyo baba? Ndetontonkanya Munyina Collins umukashana wakwe umunono, ena ekele kulya kunuma, kabili bena balembele (“Ukucinja cinja”?) “Ubushiku bwa fyakucinja cinja,” Munyina Neville atila. Ena alesuminishanya pamo na ena. Ndeingililamo ifwe bonse tufwile ukucita ico.

⁵ Ukuba, ifwe natukwata inshita iikalamba. Owe, Shikulu aletupala. Naciya mukubelenga muno lucelo, mu muputule, panuma fye Yakutwala abana ku sukuulu, kabili nacifumafye pakashita akanono akacipitapo; naciba ndekwatafye inshita iisuma. Ubushiku bwafumineko, nalibelenga ukufika munshita yabushiku, pamo.

⁶ Kabili ilyo cacibafye mupepi nokufika pali tuu-sate mulucelo kwacisa abantu bamo ukufuma kukapinda ka kukuso, bacisa tusanga...bacimbula ine ukuya pepelako umukashana munono uyo uwacilafwa. Kabili Ine ninshininkisha ukutila Shikulu alamulenga ena ukuti apole. Bena bacisafye, ukufuma ku Bedford, ku Indiana, ukwipusha ukuti umukashana munono ukutila enga pepelwako nomba. Abaume babili bali mukulongana munshita yabushiku mailo kabili baenseshe inshila yonse ukufika kulya, kabili munshila yabo ukubwekelamo, nomba limbi munshila yakubwekelamo nakabili. Limbi ukwensha ubushiku bonse. Kabili eico, cena cisuma ukwishiba ukutila abantu balikwata kulya ukushininkisha nokucetekela Lesa.

⁷ Oh, cena bushiku ubukalamba ubo tuleikalilamo. Kabili tule enekela nomba, muli iyi nkulo ya chalichi, ukutila twinga kwatafye ifingi ukucilapo kabili ifingi ukucilapo.

⁸ Nomba ifwe tufwile ukula angufyanya cila inshita yonse iya bushiku, eico ifwe tufwile twafuma bwangu. Imwe mwatemwa ico bwino? Kabili lekeni ukuti abantu abo abafwile ukubomba, ukuti bengafika ku ng’anda pakutila bena benga bomba. Ubushiku bwafumineko twafumine kwati pama mineti yasano, ikumi panuma ya naini, nangu kwena panono Nali pwishishishe. Kabili eico ifwe tuli abansana ukukwata bakapyunga bonse abatandele ukwisaba pamo naifwe muno munshita yabushiku. Kabili Ine—Ine...Munyina Junior Jackson, Munyina Carpenter, kabili na munyinefwe ukufuma ku chalichi kulya, kabili nabengi bambi abali pano pa cintamba nabali mukulongana.

⁹ Kabili bacinjeba Ine ileelo ukutila ulya winefye munyina wandi umusuma ulya uwali pamo na ine mu mulimo wabu missioni, Munyina na Nkashi Andrew ukufuma ukutali ukuya mukushika kwa China, ali mukulongana ubushiku bwafumineko. We nshita we iisuma iyo twakwete capamo kulya ku Jamaica umwaka uwapwile. Twalikwete inshita iikalamba, kabili Naile fika naku ng’anda yabo. Kabili owe, nga cakuti...Ndesunguka nga cakutila Munyina na Nkashi

Andrew bali pano munshita ino iyabushiku muno—muno mukulongana? Cino cikulwa tacakulwafye bwino, eico... Ee, ukwikala kulya kunuma. Ndesunguka nga cakutila kuti mwakwanisha ukwimininako pamakasa yenu Munyina na Nkashi Andrew, pakashitafye akanono. Shikulu Amipale. Tuli abansansa nganshi ukumimona imwe, Munyina na Nkashi Andrew. Nalibetile bena ukwisa muli uyu umwaka wafumineko lintu Naile kulya.

¹⁰ Nomba, nshilelanda ici pantu epobali (Ine naciba nokulanda ifingi, lelo Nshalande ico nomba), lelo bena baba ico Ine ndeita ba missioni abene bene. Nga cakutila bena baishile munshita yabushiku, ukuleka bena balanda pano ilyo ifwe tatulaisa. Ndefwaya imwe ukumfwa ifyo icine cine cipilibula umulimo wabu missioni, lintu bena bali kulya ukufika mulya mukati mpaka bena tabakwete nangu cimo icakucita ku... Ukuba, bena bali... Ine ndetontokanya yena yali myaka ne myaka iyo bena babwelele kulya, kabili bena tabatalile nangufye ukukwata icacilapo nga fintu tumona motoka nangu ishitima lyapa nyanji, nangu icintu cimo cimbi, pa myaka ne myaka. Kabili nefyo nkanshi alesanga icakulya ukufuma... Ifyo ena alepanga cena. Kabili... Nomba, ico nibu missioni ubwine bwine. Munyina Andrew akwete inyeleti nobushishi kabili ena ali ni dokota, ena alebilafye lintu fyena fyalepwike. Kabili Ndetontokanya lintu umwana... abana baishile, Nkashi Andrew limbi ali ni nacimbusa na Munyina Andrew ali ni dokota. Bena bashintililefye pali bena.

¹¹ Kabili nomba lintu ba missioni baku... ukufuma ku England, ba Missioni baci Pentecosti ukufuma ku England, batile bena ukuti “balikotele ukubwelela mu mulimo,” (Ndefwaya ukumyebafye apo bena muli bu missioni bafika, bena tabali nokwikala pamupando uwa anguka nokwikalapo) bena babwelelemo palwabo ukubwelela ku Jamaica kabili ukuya kulya mukubomba umulimo wabu missioni nomba. Munyina Fred Sothmann na Ine pano twakwete insambu ishakuya ku ng’anda yabo nokubatandalila, kabili we nshita yawama intu bena batulangishe; iya—iyawama iyabena Kristu ifyo bafwile ukuba. Kabili Ndemyeba imwe, Nshilelanda uku... Kutu natemwa ukupela iluba ilinono nomba ukucila in’gana ya maluba panuma bena nabasendwa. Ndemyeba imwe ukutila bena Kristu icine cine. Kabili Naebele umukashi ukuti Nkashi Andrew ni umo pabawamisha, umwanakashi umwina Kristu umusuma ukucilapo umuntu untu engatala akumanyapo. Ena abafye... imibele yakwe yakulwa muli Kristu, pamo; kabili na Munyina Andrew, pamo. Eico, Ninshininkisha ngacakutila imwe bonse mwacibamona lintu bena bacimininakofye, Nacilafwaya ichalichi conse ukuposhanya nabo mumaboko yabo kabili nokubomfwa bena ilyo tabalaya.

¹² Nomba, mailo, Shikulu nga atemwa, mulandu nshi, ifwe tuli. . . mailo munshita yabushiku tuli nokutampa pali iyi nkulo ya chalichi iyabubili. Munshita ya bushiku tuletampa ne nkulo ya chalichi iyakubalilapo. Ndi uwashininkisha ukutila Shikulu natukwatila amapalo atubikila ifwe.

¹³ Kabili ibukisheni, nga fintu Nanda kunuma, inshita shimo shimo pali ifi fintu limbi kuti twafilwa ukumfwana pali fyena ukufika napa—napafyo ifya masambililo ya mipepele yaba. Kabili inshita shandi ilingi line Mbula ukufumya ku balyashi lya kale abacine, abo icine cine abashaba abakabila mulubali ululi lonse, bena balembelefyee ifishinka, conse icintu ifyo cali, ifyo ama chalichi yacitile. Kabili Ine. . . Ifyo fine, icipandwa ca Maka yakalamba ayakupilibula, Ine ndesha ukubika cena pali cena pa lwandi, icawama icisuma ico Naishiba ifyakucita. Kabili inshitashimo ngacakutila Nalanda panono uwakantuka nangu ukupupumina kwati ngefyo, Ine nshipilibula ukucita ico muli iyo nshila. Umuntu onse alishiba ico, uyo wanjishiba, ukutila Nshilepilibula ukucita ico. Ine mfwayafye. . . Lelo munshila yakulengafye icikomo ukukwikata, iwe. . . Kwati fye kupampamina umusumali mu cipampa, ngacakutila wabikafye lwena palya, tekuti lwena lwikate. Iwe ufwile walupampaminina lwena nokulufisha, pakuti lwena lwaikata. Kabili ico eco Ndeesha ukucita. Eico cena tacili icakuti Ndefwayafye ukukanako, pantu Ine nandilako ifilonganino fyonse nafimbipo, eico cena tacici. . . ico.

¹⁴ Lyonse nsosa, nge ng'ombe ishafwatikwa. Ndeibukisha imyaka iyapitapo Nalikele ubushiku bumo lintu bena bali. . . bafikile ku nshita yakupwa kwa mpepo, baletwala ing'ombe mu mpanga, kabili Naafwilishe ukutwala ing'ombe kulya ku, uko beta ulupango lwakucingilila uko ba Hereford Association balishisha ama—ama Troublesome River Valley. Kabili Naikele kulya nokulu kwandi kulepelela pa lusengo lwa cakwikalapo, ukulolesha kasunga ilyo alemona palishi ng'ombe ukupita mulupango lwa kucingilila.

¹⁵ Nomba, iwe ufwile ukukwata. . . ilyo iweulepita pancende ya buteko, kabili ufwile waba uwingemya tani wafyani ilyo taulati ubike ng'ombe pa mulemfwe. Kabili cila incende yakusungilamo inama ilamenamo ifyani ifingi, ing'ombe shalifulile nganshi, ukuti shingalya wena.

¹⁶ Nomba, shena shaleya ukupita kulya ne misango yonse iyafishishiko pali shena. Shimo pali shena shakwete “Bar X.” Mista Grimes uwakonkene kuli ifwe mulya “Diamond T,” imo T yali ku mpela ya diamond. Kwali ilya “Lazy K,” palya pamuulu wa mutwe wa ilya Troublesome River. Iyesu yali ni “Turkey Track.” Pe samba lyesu pali “Tripod.” Kabili kwali imisango yonse iyafishishiko iyalepita palya pa mpongolo.

17 Kabili Namwene ulya kasunga tatalile aposa amano kuli filya fishishiko, ena talelolesha pali fyena. Inshita shimo fyaleba kulubali lwa kukuso lwa ng'ombe, eico ena talemona ifishishiko. Eico cena—cena tacali icakuti ena alemona ifishishiko. Lelo icintu cimo ico ena aali uwashininkishapo, cakutila takwali ing'ombe iyapitile palya kano ninshi yena yalikweye icishibilo ca mulopa ku matwi yaiko. Yena yali nokuba iyapwililika iyafyalwa Hereford nangu ngateifyo yena tayali nokuya mu mpanga ilya. Icishishiko tacalepangapo ubulekano ubwa cilapo, lelo cena cali cishibilo camulopa. Kabili Ndetontonkanya ukuti ifyo efyo cena cikaba pabupingushi. Cena tacakabe cishishiko nshi ifwe tufwele, lelo Ena akalolesha pa cishibilo ca Mulopa, “Lintu Ine namona u Mulopa, Ndinokukucilila iwe.”

(Nomba, Ine bushe nindufyanyafye panono, Gene, nindufyanya Ine?) [Munyina Gene Goad atile, “*Ici* icisoselo tacileumfwika.”—Kale.] (Tacileufwika. Nacilungama...Cena cali mukukana ikata bwino pakati kafibili, bushe ico nacilungama?) [“*Ici* ecisuma kabili *cilya* ecishawama sana.”] (Cisuma. Natotela Munyina Gene. Cisuma.)

18 Nomba twalaesha ukufuma bwangu bwangu nakabili munshita yabushiku, icakuti tukabwele mailo mubushiku kabili nokusenda ishi nkulo. Kabili Ndemyeba, cena cintu cakosa kuli ine ukwikatilila fimo ifintu ifikalamba ifyaba ukukonka mumbali ya musebo; ukweshafye ukufumya fyonse mubushiku bumo. Namwishiba, iyo emibele yandi iyacifyalilwa, lelo tufwile twaikalililafye fyena pakashita akanono mpaka cila bushiku.

19 Nomba, ilyofye tatulaisula i Buuku likalamba, ngacakutila kuti twaimininako pakashita akanono pantu...Yololeniko mwebene ilyo...tuleimininako, kuli abo abengacita ico. Kabili lekeni tukontamikeko imitwe yesu nomba, mukwiicefya, kwishiwi lye pepo:

20 Taata Wesu uwa Myuulu, ifwe nakabili twapalamina ku Cipuna Cenu icikalamba ica Mushilo, ukwisa ukwabula ukutelententa kwa cicetekelo, pantu ifwe twaisa pamulandu wakuti natwitwa ukwisa. Ifwe tekuti tulande ukuti twaishila mwi shina lya chalichi cimo nangu icilonganino, nangu mwishina lya ici chalichi, nangu mwishina lyesu, pantu ifwe tekuti tube abashininkisha pali ico, ngacakutila kuti twaba abaumfwika kuli Lesa nangu iyo. Lelo lintu Yesu atwebele, “Imwe mwipushe Taata icintu conse mwi Shina Lyandi, Ine ndi nokucita ico,” nomba twaishiba ifwe nokwishila mwi Shina lyakwa Yesu, Imwe mwalatumfwa ifwe, Taata.

21 Ifwe tulaba abansansa nganshi ngatwabelenga pali bamufwila kristu aba munshiku shapitako, ifyo bena bakakatike ubunte bwabo mu mulopa wabo wine, nomba, Taata, cena cilenga ifwe ukumfwa ukutila ifwe tatulebombesha apakalamba muli buno bushiku. Kabili Ine na Mupepela, Shikulu,

ukuti Imwe mwalalekelela ifyesu—ifyesu—ifyesu ifishili fya bulekelesha, nga fintu tuli, pa mulimo Wenu. Kabili twapepa ukuti Imwe mwalatusuba cipya cipya ilyo tulebelenga i Cebo Cenu, kabili nokumona uko ukucula ukwaleyelwe ukubapo munshiku ishapita ukupanga ibumba likalamba ilya ici Chalichi ca bashitwa no mulopa wakwa Lesa wa mweo.

²² Napepa kuli Imwe, Taata uwamu Myuulu, ukulanda munshita ino iyabushiku ukulanda ukupitila muli ifwe tatwishibe nefya kulanda; ifwe tulelolelafye kabili tulelomba mwipepo pano pantu tuli Nukubapo kwakwa Lesa mu Chalichi Cakwe, kabili twaipusha ukuti Mupashi wa Mushilo uyo uuli pali aba bantu alabika pamo amaka Yakwe capamo mu nshita yabushiku kabili nokusunkanya ukuleta i Mbila nsuma mu mutima onse, iyo iyalatupela ubwiminishi bupya nesubilo lipya ku nkulo iyo ileisapo. Fikilisheni ico, Shikulu, pantu tulemona umukunyu uletumba ukubalula kabili na Israeli ukuba icalo, kabili ne nshiku shabena Fyalo shilepwa nokupendwa, kabili tulelola ukwisa kwakwa Kalubula mukalamba, Shikulu wesu Yesu Kristu.

²³ Ukwenda pakati kesu, Shikulu. Ngafintu calandilwe mu nshita yabushiku, “Imwe mulenda pakati kafyakutekapo inyali,” nomba endeni pakati kesu muno nshita yabushiku, Shikulu. Kabili sokeni imitima yesu pa bubi ubuli kuntanshi, kabili tupeleni ukukutuluka ukwa Cebo Cenu, pantu twaipusha ico mwi Shina lyakwa Yesu. Ameni. Kuti mwaikalako.

²⁴ Nomba, ngafintu Nanda cila bushiku, Ndesha ukulemba ifingi nganshi pe pepala nga fintu Ine ningacita, pafya nshita, incende, nefyaba ngefyo, pantu cena cakucita icakwibukisha ico tulepalamina. Cena caba lyashi lyakale, kabili nomba na ifwe tuleisa tulekonkamo pamo, ukulola ku nshita.

²⁵ Nomba, pa Mulungu ulucelo napa Mulungu mu cungulo kasuba... nangu pa Mulungu mu cungulo bushiku, ukucila, twalikwete inshita iya bukata. Ndeshininkisha twalikwete. Nalicite, palwandi. Kabili mu Busokololo... .

²⁶ Nomba, cinshi ico tulesambilila? Kusokoloka kwakwa Yesu Kristu. Kabili twasangile ukuti Lesa alangishe ukusokolola nefyo Ena aba? Icintu icakubalilapo ico tulesanga, ica kwiisokolola konse, cakutila Lesa alengele ukwishibikwa untu Ena aali. Ukutila, Yesu tali umuntu wa citatu uwakuba muli bubutatu, Ena ewali bu butatu mu mwisulo. Ena aali fyonse fibili Taata, Mwana, kabili Mupashi wa Mushilo. Kabili ubo ebwali ubusokololo. Ubwalandwapo imiku ine muli chapitala imo ine, ukutila Ena ewaba Lesa uwa Maka yonse; Ena uyo uwali, uuli, kabili ali nokwisa; Umushila kabili u Mwana wakwa Davidi.

²⁷ Nomba tulesanga ukutila, nomba, ukuti muli ifi fintu ifwe twalaesha ukuwamya ukufika napamulandu onse,

pantu Nshishibe lintu ifwe tukomfwapo Cena nakabili, limbi tatwakatale, mpaka inshita tayakabepo nakabili kabili nokupwila mu Muyayaya. Kabili nomba, nga fintu Ndelanda, limbi kuti kwaba ababwananyina abengi, bakafundisha abaishibisha bwino ukulanda ici ukucila Ine, kabili limbi kuti bakwata ukupilibula ukwawama kuli cena, lelo Lesa acibika pa mutima wandi ukucita ico kabili eico Ine kuti naba myalu myalu nga cakutila Ine nshilandilefye bwino bwino ico Ine ndetontokanya ukuba icalungama. Mwamona? Eico, Ine—Ine lyonse mfwaya caba icalungama kuli Lesa, munshita shonse, ukutla “Ine nshabutuka,” nga fintu Paulo alandile, “ukusoka imwe akasuba no bushiku, nefilamba, ukutla ichalichi cingaba icaiminina nomba.” Nga cakutla kuliko uuli onse uwaluba, umulopa wiba pamaboko yandi, pantu Ndefwaya ukuba uwakaele ku mulopa wa muntu onse pali ilya nshita. Eico nga cakutla iwe uli uwaibela, mulandu nshi, ico ninshi cili munshila iisuma iyabucibusa, ico cili nokubafye bwino. Nomba, lelo, limbi Shikulu alasokolola icintu cimo ico icalatwafwa bonse, capamo.

²⁸ Nomba, icintu cakubalilapo, tulemona ukutla Ena aisokolwele pa Lwakwe. Nomba twakutuluka untu Ena ali.

²⁹ Nomba, ukuyako panshi, nga fintu Ine napangile cilya icakwambula palwa kusansa amenshi nolubatisho mwi shina lyakwa “Taata, Mwana, na Mupashi wa Mushilo” ukuba ulubatisho lwabu Katolika kabili te lwabu Protestanti nangu ulubatisho lwamu Cipingo Cipywa, Ndesubila Ine nipanga ico ukuba icalungama. Kabili Ine nijipusha umuntu onse uyo uwingalangisha isambilisho mu Malemo apo umuntu umo atalile abatishiwa mu Baibele nangu mpaka ku Cisaka ica Laodekeya apo bapangile i chalichi ca Katolika, apo umuntu umo abatishiwe mwi shina lyakwa “Taata, Mwana, na Mupashi wa Mushilo,” mukwai iseni nokulangisha ine. Kabili Nalabika panuma yandi ukutla, “kasesema wabufi,” nokuya ukupita mu musebo. Nomba, Ine ndepanga fye ico. . . tekuba ine uwakosa, lelo fye ukumilangisha imwe ukutla cena e Cine. Mwamona?

³⁰ Nomba, nomba Baibele ilesokolola Ena pano, ukuti Ena ni Lesa uwa Maka yonse, umubili pakati kesu. Mwamona? Tapali Taata, Mwana, na Mupashi wa Mushilo; cena tabali ba lesa batatu, nangu Lesa umo ukumuputaula mu ncende shitatu. Ena ni Lesa umo uwabombele mu ma ofeshi yatatu: ilya bu Taata, bu Mwana, nelya Mupashi wa Mushilo. Lesa ukwenda ukufuma mwibala lya Edeni, ukweshu ukupanga inshila Yakwe ukubwelela mu mitima ya bantu, ukwikala nokuba abana abaume na bana abanakashi abakwa Lesa nakabili pamo na Ena. Uyo e Lesa ukucila pali ifwe, Lesa uwaba pamo naifwe, Lesa muli ifwe. Ubo ebulekano. Mwamona?

³¹ Kabili nomba filya ifintu, kabili na Baibele yasokolola ukuti kabili alilanda bwino bwino cena mu chapitala 1 uwa Kusokolola; ilyo e Buuku fye limo muli Baibele mu Cipangano

Cipya, muli conse ica cine ica mu Cipangano Cipya, e Buuku fye limo ilyo Yesu abikilepo icikakatikilo Cakwe umwine pali lyena. Kabili Ena atile, icakubalilapo ica Liko, “Alipalwa nyuyo uubelenga kabili na ena uyo uumfwa.” Kabili ku mpela, Ena atile, “Nga cakutula umuntu onse afumyako icipandwa ica Ico, nangu alundako icintu conse kuli Cena, cimo cine cili nokuputulwako icipandwa cakwe, ukufumya mwi Buuku ilya Mweo.” Eico cena citipu ku muntu umo ukufumyako icili conse, ici e Busokololo ubwapwililika ubwakwa Yesu Kristu. Eico ifwe nga twamulenga Ena ukuba batatu, imwe namwishiba icacitike. Mwamona, ishina lyenu kulifumyamo.

³² Kabili takuli nangu umo, takuli Protestanti, takuli ichalichi cakubalilapo ico icatalile acicetekela muli ba lesa batatu. Cena cali mulandu uukalamba ku Cisaka ca Nicea, kabili fyonse fibili fyalipasamwike; fyalifumine mu *iyi* nshila, nga fintu twingalanda. Aba *bupatatu*, abantu batatu abo abacetekele muli bu patatu, ico mukushalikisha caishile pangwa mu chalichi ca Katolika, bena baile nokupwishishisha bu patatu, ukupanga Lesa ukuba “batatu” abantu. Kabili kwali umo uyo uwacetekele ukutula Lesa aba “umo,” kabili bena baile kulubali lumo nokuba *abaikana pamo*. Bonse babili baba mucilubo. Lesa teti . . .

³³ Yesu teti abe Wishi wakwe, nangula Yesu ukukwata wishi na Ena ukuba . . .kuti kwaba ba lesa batatu. Cena—cena tekuti cibombe. Pantu nga cakutula Ena alikwata wishi, kabili na wishi muntu umbi kulubali Lwakwe, nomba Ena alikwete . . . kabili Mupashi wa Mushilo muntu umbi, Ena ninshi mwana wa mucani. Baibele yalanda ukutula Mupashi wa Mushilo ewali Taata Wakwe. Kabili nga cakutula ifwe natukwata Mupashi wa Mushilo, nomba ena ninshi te Mupashi wa Mushilo, ena ni Taata muli ifwe mwi shina ilya Mupashi wa Mushilo, ukubomfya iofeshi muli ifwe, pantu ena panshita imo ali mu muntu uwitwa Mushilo, kabili nokubwela kabili Ena ali muli ifwe nomba, umo wine Lesa Yehovah Lesa. Mwamona?

³⁴ Takwaba ba lesa batatu. Ba lesa batatu kalubi kabili busenshi, kabili cena caletelwefye. Kabili nga cakutula iwe waikalafye ukupita mu mulungu kabili ukukanaba uwakupingwila libela, lelo ukumona, buleni ico ukuba, ilyashi lyakale. Buleni ama lyashi yakale yamo yene nga fintu Ncita nangu umuntu umo, ilyashi lyakale ilili lyonse. Lekenifye twishibe lyena, ukutula amalyashi yakale yonse yasuminisha cimo cine. Bena bakelemba wa lyashi lyakale tabakwata nangu cimo icakucita nolubali lonse, bena bakabilafye mukupela ifishinka, pali ifyo ifyacitike. Kabili moneni bwino bwino ifyo cilya icintu casokelele ukupita muli Luther nokwisa muli Wesley, kabili nokulangishiwa munshiku shakulekelesha, ukubatishiwa mwi shina lyakwa “Taata, Mwana, na Mupashi wa Mushilo.” Monenifye umo cena caisa ingila mu chalichi ca Katolika, mu Nkulo sha Mfifi, nokwisa fuma ukupitila

muli Luther, nokupita muli Wesley, lelo pakati kakwa Wesley na Laodekeya (pa mpela) cena cali nokulangishiwa. Ico nacilungama. Nomba, kabili ici conse lyashi lyakale, kabili tacilifye ilyashi lya kale, lelo cena ni Baibele.

³⁵ Kabili nomba, munshita yabushiku, twala palamina ku Nkulo sha Chalichi Cine lubali ico icali ma chalichi cine lubali ifyo ifyali mu Asia Minor panshita iyakulembwa kwe Buuku. Aya ama chalici pali ilya nshita yena yafwile yalikwete imibele ya nkulo sha chalichi iyo iyali nokwisa, pantu icakuti. . . Kwali ama chalichi ayengi ukucilapo pali ayo, ichalichi cabena Kolose nayengi yambi pali ilya nshita, lelo Lesa abulile aya ama chalichi pamulandu wamibele ya yako.

³⁶ Nomba, tulesanga ukutila Ena eminine pakati kafya kutekapo inyali ifya golide cine lubali, Ena mukuboko Kwakwe akwete intanda cine lubali. Kabili nashilya intanda cine lubali, Ena atile, mu versi 20 iya chapitala 1, ukuti “Bena niba malaika cine lubali kuma chalichi cine lubali.”

³⁷ Nomba, muli Baibele bena tabakutulwike ubu Ubusokololo. Pantu, cisuma nshi cena cali nokucita kuli bena ukumona nokulolela nga cakutila bena balishibe ukuti kuli nokuba imyaka amakana ilyo Yesu talaisa? Cena tacapelwe kuli bena.

³⁸ Kabili Ndelanda pali ici, kuli imwe mwe bantu pano, imwe mwe bantu ba Katolika, kuli imwe ba Lutheran, kuli imwe ba Methodist, nefili ngefyo, cena tacapelwe kuli Martin Luther, pa Lubuto ulu ululi pa Cebo ilelo. Nangula cena ukupelwa kuli John Wesley. John Wesley ashimikile ukushilishiwa uko Luther apele. Kabili u Lubuuto lwisa lintu tulekabila u Lubuuto. Lesa efyo alanda Ico, lelo Cena tacaisulwa kuli ifwe pantu Cena califiswa ku menso yesu mpaka nobushiku ubo Lesa ali nokusokolola Ico. Ndesunguka ifyo cena cili nokuba panuma ifwe twaya? Ee, Ine nabanjeba ukuti kuli nokuba nganshi, nganshi ukucilapo ico ifwe tatwaishibapo nangu cimo palwa ico. Ico nacilungama. Kuli Ifikakatikilo Cine lubali, nga cakutila ifwe twabula i Buuku ilyapwililika ilya Kusokolola, ico icakakatikwa kunuma ye Buuku. Cena tacaba nangu. . .cena tacalembwa mwi Buuku. Kabili fyena Ifikakatikilo fili nokwisulwa munshita ya iyi nkulo ya chalichi, kabili nefyankama ifya kulekelesha cine lubali ifyakwa Lesa fili nokwi- . . . nokulenga ukwishibikwa. Oh, Ine kuti nacisungafye mu lusuba lonse nokulapita muli Cena. Ee, mukwai! I Nkulo ya Chalichi ya Cine lubali.

³⁹ Nga fintu Daniele aumfwile ifibulukuto cine lubali kabili, kabili bamuleseshe; kabili na Yohane aumfwile amashiwi, kabili neli Buuku lyalikakatikwe, kabili na kunuma ye buuku kwalikakatikwe ne Fikakatikilo Cine lubali; lelo mu nshiku sha ifi Fikakatikilo ifyali nokwisulwa, “Icankama cakwa Lesa ninshi cibe nacipwa.” Mu mashiwi yambi, Lesa ali no

kwishibikwa ku Chalichi Cakwe; temuli batatu abantu, lelo nga umo u Muntu. “Icankama cakwa Lesa cili nokusokololwa,” kabili lintu ico cili icapwililika ukusokololwa, noba ifya nkama cine lubali fili nokwisuka ku Chalichi; pantu, mulya, i Chalichi cili nokulaikala pesamba lya kusubwa kwa Mupashi wa Mushilo, Ena ukulaenda ukwingila nokufuma kabili ukulalangisha ifishibilo Fyakwe ifyakuba uwa mweo kabili pakati kesu, ukwikala pakati kesu, kabili ifwe nomba ukulapepa Kristu uwa mweo uyo uuli pakati kesu.

⁴⁰ Tamufwile ukulalolesha kuma chalichi ayakalamba nefintu ifikalamba. Lintu ifwe twafika kuli iyi nkulo ya Pentecosti, imwe muli nokumona icine cine apo bena balufishe ico. I chalichi ici cine ica *Laodekeya* cilepilibula “umukankala, uushikabila icintu nangu cimo,” kabili ali ubwamba, uwapomonwa, impofu, uwabulanda, nokukana ishiba ico. Moneni? Bena bafumine ukuya panuma kwati lupiya ulukalamba, nefikulwa, nefintu fyonse fimbi.

⁴¹ Lintu, i Chalichi lyonse caba—caba icasulwa pe sonde. Kabili pano bena baba: abapatwa na bantu bonse, abasulwa, mu ncende ishinono, konse uko bena bekala. Belengeni aba Hebere 11, kabili mubule ama versi yakushalikisha mutanda nangu cine konse konse aya ico, ifyo “bena baendawike monse mufiswebebe, kabili—kabili balefwala impapa sha mpaanga ne mpapa sha mbushi, kabili bali abapelelwa, aba cululuka, aba lungulushiwa.” Balya abantu kulya, bushe ubunte bwesu kuti bwaiminina shani ukulola ku bwabo mu bushiku bwa Bupingushi? Mwamona, balya abantu muli bulya bushiku.

⁴² Nomba, nomba muli iyi nkulo ya chalichi... Natukwata ama chalichi cine lubali, nomba Ndefwaya ukufibika bwino. Ine ndetontankanya nga cakutula kuti mwamona cena ukufuma kuno, limbi nga cakutula imwe bamo kuti mwacita, Ine ndetwishika ico nganshi, lelo Nalaesha ukupanga ico, (Ninjishiba imwe tekuti mucite, ukwikala muno), ukucipanga cena i Nkulo shama Chalichi Cine lubali. Nalaikatilila cena pa mukuboko kwandi pakutula imwe mukutuluke.

⁴³ Cena ciletampa, i Chalichi catampila pa Pentecosti. Bushe umo kuti akana ico? Iyo, mukwai! I Chalichi catampile pa Pentecosti na Mapalo yapa Pentecosti, kabili calashikwe na Yesu Kristu ukutwalililapo mpaka nobushiku bwakulekelesha ne Mbila imo ine kabili nama palo yamo yene ukubomba muli ifwe. Umulimo wakwe uwakushalikisha ku Chalichi Cakwe, nimuli Marko 16, “Kabiyeni monse mwi sonde, muleshimikila i Mbila nsuma, ifi ifishibilo fili nokukonka bena abo abacetekela.” Nomba, nikwisa? “Kwisonde lyonse.” Kuli bani? “Kucibumbwa conse.” Kubafita, aba cinya muti, aba mutuntula, ababuta, kucibumbwa conse ifyo cena cali, shimikileni i Mbila nsuma kucibumbwa conse. “Ifi ifishibilo fili nokukonka bena abo abacetekela.” Nomba, muno nshita yabushiku ifwe tulelanda

pali ico, mutampefye ukwisamo munshita ino iyabushiku, cila bushiku muleputula icipandwa icikalamba ica Ico mpaka ifwe twafika ku nkulo yesu iya chalichi. Nomba, twasanga ukutila cilya cilya cali emulimo Wakwe.

⁴⁴ Nomba, inkulo ya chalichi iya kubalilapo yali chalichi ca Efeso. Inkulo ya chalichi cabubili yali ni Simuna. Inkulo ya chalichi ca butatu yali ni Pergamo. Inkulo ya chalichi iya cine yali ni Thyatira. Inkulo ya chalichi iya busano yali ni Sardis. Kabili ne nkulo ya chalichi iya mutanda yali ni Philadelphia. Kabili ne nkulo ya cine lubali iya chalichi yali ni Laodekeya.

⁴⁵ Nomba, inkulo yakubalilapo iya chalichi yatampile mu A.D. 53, lintu Paulo abikile ichalichi mu—mu Efeso. Pa bulendo bwakwe ubwa bu missioni, abikile ichalichi pa—pa Efeso, ichalichi ca bena Efeso, kabili ewali kakumba waciko mpaka lintu ena bamuputwileko umutwe mu 66, ukumulenga ena ukuba nemyaka amakumi yabili-na ibili ukuba kakumba wa chalichi ca bena Efeso. Panuma ya mfwa yakwe nomba balitweba ukuti u Washila Paulo...nangu u Washila Yohane uwa maka ayakalamba aishileba kakumba uwa chalichi nokusenda cena ukuya kuntanshi ukwisa muli ino nkulo, kabili ne nkulo ya chalichi yafikile ku 170.

⁴⁶ Nomba panuma ya Nkulo ya Chalichi ca bena Efeso, ukufuma mu A.D. 53 ukufika mu A.D. 170, nomba catampile mu Nkulo ya Chalichi ica Smyrna ico icaikele ukufuma mu A.D. 170 ukufika mu A.D. 312. Nomba caishile mu Nkulo ya Chalichi ica Pergamo, kabili ne Nkulo ya Chalichi ca Pergamo yatampile mu 312 nokufika mpaka mu A.D. 606. Nomba caishile mu Nkulo ya Chalichi ca Thyatira, kabili ne nkulo ya chalichi ca Thyatira yatampile mu 606 nokuya ukufika ku 1520, mu Nkulo ya Mfifi. Kabili nomba i Nkulo ya Chalichi ca Sardis yatampile mu 1520 nokufika mpaka mu 1750, i nkulo yakwa Luther. Nomba ukufuma mu 1750 inkulo iyakonkelepo yali ya Philadelphia, inkulo yakwa Wesley; iyo yatampile mu 1750 nokuya ukufika mu 1906. Kabili mu 1906 i Nkulo ya Chalichi ca Laodekeya yaishilemo, kabili Nshishibe lintu yena ili nokupwa, lelo Ndesobela cena cikacitwa mu 1977. Ndesobela, te Shikulu uunjebele ine, lelo Ndesobela cena umwabela icimonwa icalangilwe kuli ine imyaka iyapitako, ukutila, fisano pali ifyo fintu (ukufuma muli cine lubali) fyena fyalicitika akale.

⁴⁷ Palwa...Ni banga abaleibukisha ico icimonwa, muno chalichi? Iceine cine. Atile ukuti, ifyo ico nangu ni Kennedy ali nokusalwa muli kuno ukusala kwa kulekelesha. Ifyo icakuti abanakashi bali nokusuminishiwa ukusala. Ifyo ukutila Roosevelt akatwala isonde mubulwi. Ifyo icakutila Mussolini akaya ukulola ku Ethiopia, ukwingilila kwakwe ukwakubalilapo, kabili ali nokupoka cena; ico cikaba e mpela, ena akafwa panuma ya ico. Ifyo utu utuntu utukalamba utwakucitwa tuli nokwima na fyonse ukuya ingila mu

Communism; Ifyakwa Hitla, na Mussolini, na Co- . . . Nazism, nefili ngefyo, fyonse fikengila mu Communism. Kabili imyaka ikumi na umo ilyo tailafika, cena calandilwe ukuti “Ifwe tukaya kubulwi na Germany, kabili Germany akaba uwacingililwa kunuma ya cibumbili ca shamende,” ica Maginot Line. Cena cacitike fye muli iyo nshila. Catile nomba, panuma yaico, tukesa ku ncende iyo . . . cikesa fikilishiwa ukuti science ili nokukula mpaka bena bakapange motoka, ba motoka bakalamoneka kwati “lini” inshita yonse. Kabili nacilya icimonwa calandilwe pano pene apo i Chalichi cakwa Kristu caininina nomba, palya apakale pa Mes- . . . pa ng’anda yabana bamfwilwa. Charlie Kern, limbi mu cikulwa munshita ino iya bushiku, aleikala palya pa ncende pali ilya nshita. Ulucelo lumo pa Mulungu muma sebeni koloko cena calicitike. Kabili Cena catile, “Nomba cili nokwisa fikilishiwa ukutila bena bakapanga motoka iyakutila bena tabakakabile necakwensheshako muli yena, yena ikalatangululwa na maka yamo.” Bena nabakwata ayo nomba. Bena nabakwata ayo nomba, mu maka yakutinta, ayatungululwa necakulanga. Bena tabacita nangu . . . imwe kubikafye icakutungulula cenu uko imwe muleya, cena kubula imwe mwebene, imwe tamufwile nokulaensha.

⁴⁸ Nomba, kabili cena calandile mulya, “Pali ilya nshita, kukaba umwanakashi uwamaka uukeminina mulya mu United States.” Kabili ena alifwele kabili umusuma, lelo ena ali umunkalwe mu mutima. Kabili Ine nalikwata mufyabikwa mucimionwa, nangu mwi pepala lyamu tuntula catila, “limbi chalichi ca Katolika.” Kabili abanakashi ukuba abasuminishiwa ukusala cena cikafwilisha ukusala umuntu uwalubana kuli cino calo. Kabili ico eco bena bacitile. Bwino bwino. Nomba, atile, “Iyo eili nokuba intendekelo.”

⁴⁹ Nomba icintu cimbi ico calandile, cakutila . . . Nomba palya penefye panuma ya ico, Namwene cino calo ukuba nge cilefuka, cena calepawilwefye mutupimfya. Nomba, nga cakutila fyena ifintu fyalicitika, eico neci cimbi. Ifwe tuli pa . . . Uyo wine emulandu wine Ine mbelele pano muno bushiku ukwesa ukuleta ici kabili nokucibika kuli aba bantu pano pa Jeffersonville, pantu Ndepekanya ukuya mu mulimo wabu missioni nombalinesye nakabili, kabili nshishibe ni nshita nshi iyo Ndi nokwitwa ukuya nangu ukusendwa. Ine—Ine . . . ifwe tatwishibe ico. Kabili Ndefwaya ukushininkisha ukuti Ine . . . lekeni ichalichi cishibe inshita bena baleikalilamo, pantu Lesa uwa Maka yonse ali nokunjikata nomushingamo pali ico.

⁵⁰ Nomba—nomba, cila cimo pali aya machalichi, umwabela Amalembo palya, calikwete malaika. Kabili malaika aali ni . . . Nibanga baishiba ifyo *malaika* cipilibula? Ena ni “nkombe,” ni nkombe. Kabili kwali—kwali ba *malaika cinelubali* ku machalichi cinelubali, calepilibula “inkombe cinelubali.” Nomba, mwali intanda mukuboko Kwakwe. Kabili mukuboko

Kwakwe aba—aba ikumi limo nafibili . . .ishi intanda cinelubali shale langisha u Lubuto lwa Kubapo Kwakwe munshita ya bushiku buntu tuleikalilamo. Ngefintu intanda shilangisha akasuba kwisonde, lulenga ukubuta pakuti ifwe twingenda, nokuya konse munshita ya bushiku.

⁵¹ Nomba tulesanga ukuti, ukutila muli iyi nshita, ukuti cila umo pali aba bamalaika alikwete icifulo ne ncende. Kabili, mweba bwananyina, muno bushiku tatwafikeko kuli ico, pantu natwishiba uyu malaika uwaku chalichi cakubalilapo, lelo cili no kuba icakupapusha kabili icintu ica bukata ukusanga no kufumya mwilyashi lyakale, kuli imwe, ba malaika aba aya machalichi yambi. Malaika waku chalichi cakubalilapo aali ni Paul Washila, ena ewasangile cena, inkombe yakwa Lesa. Malaika waku chalichi ca Efeso aali ni Paulo Washila. Ichalichi . . .Nomba, umulandu Ine . . .

⁵² Nomba, aba bambi imwe limbi kuti mwakana, lelo Ine nalikala kulya pa nshiku ne nshiku mwisamba lya kusubwa mpaka Naumfwile Mupashi wa Mushilo ankumyamo nokunsuba pali ico. Ilyo wine emulandu Naishiba. Kabili nokumona pali aba abantu basalile, ngacakutila iwe niwe kalanda wa lyashi lya kale, bena . . .Abantu bamo bene bantu Nkwete pano, kabili nokwishiba ukupitila mubusokololo ukuti bena ebaali ba malaika ku chalichi, bena bakwete ubupyungishi bumo bwine buntu bacitile ku kutendeka. Kabili bulya bupyungishi tekuti bucinje, bwena bufwile bwaikala ubwa pentecosti munshila yonse ukupwisha.

⁵³ Nomba, abelyashi lyakale abekele pano kuti bakana ukusuminako kuli ine pali uyu muntu; lelo pa chalichi ca Smyrna, Irenaeus eumo Naishiba uwali malaika wamuli bulya bushiku. Polycarp, imwe mwebengi kuti mwatila cena cali ni Polycarp, ukucila, imwe kuti mwatila cena cali ni ena. Lelo Polycarp ashintilile ku kabungwe kabili naku Katolika, bukapepa ubwa-leisa. Lelo Irenaeus emuntu uwalelandila mu ndimi, kabili akwete amaka yakwa Lesa, kabili nefishibilo fyakonkele ena. Ena ewali malaika u Lubuuto lwakwa Lesa, kabili atintile u Lubuuto ukuba panuma Polycarp atanikwe nangu ukumwipaya bulukubuluku, ukumwipaya ukumufumyapo, nomba Irenaeus aali umo pali bakasambilila bakwe, kabili Polycarp aali ni kasambilila wakwa Paulo Washila . . .nangu Yohane Washila. Kabili Irenaeus abulile incende yakwe, kabili aletele u Lubuuto.

⁵⁴ Kabili malaika uwa Lubuuto ulwa—ulwa Pergamo ali ni Martin Washila umukalamba. Nshancetekela ukutila kwaliko umuntu umukalamba uwaikele pali lino isonde ukucila, ukucila Yesu Kristu, ukucila Martin Washila. Amaka? Bakepaya baishile kuli ena ukutila baputule umutwe wakwe ukufumyako (ena acetekela mu fishibilo ne fisungusho, kabili na Mapalo yapa Pentecosti), kabili lintu bena baile ku, bena balefwaya

ukumwipaya ena, atintile tamba tamba kunuma nokusumbula umukoshi wakwe kuli bena. Kabili lintu kepaya afumishe ulupanga lwakwe ukutila aputuleko umutwe wakwe, amaka yakwa Lesa yamuwishishe panshi nokumufumyako kuli ena, kabili aamfwile pamakufi yakwe nokumwipusha pa...?... Amen. Ena ali ni malaika ku chalichi.

⁵⁵ Ifintu fimbi. Moneni ifyo ena...Umo paba bwananyina balimutanike, ena ali pa musebo ukwasha ukusanga ena, ukumona cinshi icacitike. Kabili lintu afikile kulya, bena bali mutanike. Ena alambalele uwaololoka, nafwa, kabili namenso yakwe yatulumwike ukufuma mu mutwe wakwe. Aingile ukuya kuli ena kabili aponene pamakufi yakwe nokulambalika umubili wakwe ukupita pali ena pali ora imo, alepepa kuli Lesa. Kabili namaka yakwa Lesa yaishile pali uyu muntu kabili na ena abukile, abulile ukuboko kwakwe nokwenda ukufumapo pamo na ena palya pene. Ilyo lyashi lyakale, kwatifye nga George Washington, Abraham Lincoln, nangu nafimbipo. Lyena lyashi lyakale.

⁵⁶ Ee, mukwai! Martin Washila ali ni malaika ku chalichi ca Pergamo, ico, ichalichi ca cacupo ico icatwele bena mulya muli bu Katolika panuma ya ico.

⁵⁷ Malaika uwa chalichi ca—ca Thyatira ali ni Columba.

⁵⁸ Malaika uwa chalichi ca Sarde, ichalichi cafwa...Ishiwi *Sardis* cilepilibula “ukufwa.” Ukufuma ne shina, te Shina Lyakwe, “Lelo ishina ilyakuti iwe uli nomweo, lelo iwe walifwa.” Moneni ifyo bena baletete ulubatisho muli bulya ubushiku. Mwamona, cafumeni kuli cena. Malaika uwa chalichi ca Sardis ali ni Martin Luther, kampanya wakubalilapo.

⁵⁹ Malaika uwa chalichi ca Philadelphia ali ni John Wesley inkombe.

⁶⁰ Kabili malaika uwa chalichi ca—ca Laodekeya talati eshibikwe. Cena cikaba ubushiku bumo, lelo limbi ena...pe sonde. “Ena uyo uukwete ukutwi...” [Tapali amashiwi pali tepu—Kale.]...mwishibe ici ukuti ino e nkulo iyo tuleikalilamo. Lesa ali nokucita ubupingushi bwaico.

⁶¹ Nomba, moneni nomba, kabili twalafika ku Malembo, ukubwelela ku nkulo ya chalichi iya kubalilapo. Nomba Ine ndefwaya...Ine ninkwata ifintu ifinono ifilembelwe pano ifyo Ningafwaya imwe uku kutika bwino bwino.

⁶² Ichalichi cakubalilapo, ichalichi cabena Efeso, imilimo iya chalichi, ico Lesa abasushishepo bena, cali milimo ukwabula ukutemwa. Icilambu cabo cali Cimuti ica Mweo.

⁶³ Ichalichi ca Smyrna cali chalichi icakupakaswa, capitile mu macushi. Icilambu cali cilongwe ca Mweo.

⁶⁴ Ichalichi ca butatu, Pergamos, ni nkulo ye sambilisho lyabufi, Satana alebepa, kabili emufula wabuteko bwakwa papa,

aupilwe ku chalichi ne calo. Icilambu cali mana wafiswa nelibwe ilyabuuta.

⁶⁵ Ichalichi ca Thyatira cali kubeleleka kwakwa papa, i Nkulo sha Mfifi. Icilambu cali maka no kuteka kwa fyalo, kabili no Lutanda lwa Lucelo. Abo ebanono abo abaile nokupita.

⁶⁶ Ichalichi ca Sardis cali ni nkulo ya kwampanya, missionale mukalamba . . . nangu te missioni, lelo amashina ayafiswa, bena balikwete amashina yabo abene. Kabili icilambu cali ni nsalu iyabuuta, kabili ne shina ukuba mwi Buuku lya Mweo (ico icali nokwisa mu bupingushi). Ifwe twalikwete ico ubushiku bumbi, i Buuku lya Mweo; iwe uli nokupingulwa ukufuma mwi Buuku lya Mweo. Aba Shila bali nokupilibulwa nokusendwa ukwabula ico, bena tabaya kuli ico.

⁶⁷ Inkulo ya Chalichi ca Philadelphia yali ni Nkulo iyakutemwa aba bwananyina, inkulo iikalamba iyamulimo kabili inkulo iikalamba iyabu missioni, icibi icaisuka. Kabili necilambu ca ni—ni ntumba. Ukusokolola kwa mashina yakwa Lesa kwaali nokuba munshita—munshita ya iyi nkulo, lintu cena caile ukufika mu 1906. Nacilungama.

⁶⁸ Inkulo ya Laodekeya yali ni nkulo ya chalichi cacifule fule, iikankala, iyafula ne fyuma, iishikabila icintu nangu cimo; lelo yali iya pomonwa, iipina, impofu, iyabulanda, kabili ubwamba. Kabili necilambu cali kwikala pa Cipuna ica bufumu pamo na Shikulu, kuli abo abacimfishe ilya nkulo.

⁶⁹ Nomba ukutobaula ici, munshita ino iyabushiku, ukulangisha imwe panono palwa kulongana munshita ino iyabushiku, ifwe twalabula chapitala 2, iya nkulo ya chalichi iyakubalilapo. Nomba ifwe . . .

Ena alisokolola kabili ifwe natwishiba untu Ena aba, Ena ni Lesa!

⁷⁰ Nomba, inkulo ya chalichi yatampile nga fintu Nacilanda, mu 53, ukufika ku 170. Kabili (a) umusumba wa Efeso, umo pamisumba iikalamba iya mu Asia; lyonse witwa umusumba wa butatu uwa cicetekelo ca bena Kristu (uwakubalilapo wali ni Yerusalem; uwa cibili, Antioch; nowa citatu, Efeso) . . . (c) umusumba ukalamba uwa makwebo nefya kushitisha . . . (e) ubuteko bwali bwaci Roma . . . (f) ululimi lwali ci Greek. Abaishiba ilyashi lya kale bacetekela ukutila Yohane, Maliya, Petro, Andrew, na Filipino bonse bashikilwe mulya. Kabili Efeso aishibikwe kubusuma bwauko.

⁷¹ Ubwina Kristu pa Efeso bwali mwali emo aba Yuda baikele, mu Efeso. Kabili wena wasangilwe mu A.D. 53 nangu 55. Ubwina Kristu bwabyelwe mulya na Paulo Washila. Kuntanshi, Paulo u Washila aposele imyaka itatu mu Efeso. Ukufundisha kwakwa Paulo kwasendele ukongola ukukalamba kubacetekela mu Efeso. Iakonkelepo, Timote ewali uwakubalilapo ukuba

bishopo wa chalichi mu Efeso. Paulo alembele ichalichi camu Efeso. Munshita yakwa Paulo cena cali ichalichi icikalamba.

⁷² Efeso cilepilibula. . . ishina lilya line *Efeso cilepilibula* “ukulekelako, ukutompoka, ukubwelela kunuma.” Waleitwa na Lesa, “Ichalichi icabwelela kunuma.” Lesa—Lesa mukubalilapo aankwile kumilimo yabo, ukubomba kwabo, nokutekanya kwabo. Lesa akalipile imikalile yabo, ukusha ukutemwa kwakubalilapo kwabo, nokuya mukupona, kabili nokukana senda u Lubuuto. Efeso tacali chalichi icabepekwe, cena cafililwe palwa ciko ukupitila mukukana twalilila mukutemwa ukwapwililika.

⁷³ Ukulanda mukwipifya ukwa Efeso: Fisabo, ukwabula ukutemwa, ukutungululwa mukufumako. Ubulayo: Paradise eyalailwe kuli bakacimfya, abashila aba mu Efeso mu nkulo ya chalichi, ukupelwa ku Cimuti ica Mweo.

⁷⁴ Pano pali icintu icisuma. I Cimuti ica Mweo nacilumbulwa imiku itatu mu Kutendeka, imiku itatu mu Kusokolola. Umuku wakubalilapo cena cali lumbulwa mu—mu Kutendeka, cali mu Edeni, kabili Kristu ewali Icimuti. Imiku itatu wena walilumbulwa mu Kusokolola, ni Kristu ali mu Paradise. Oh, ico nacifina. Shikulu Apale.

⁷⁵ Nomba twalatampa chapitala wakubalilapo uwa mu Efeso. . . nangu versi 1 uwa chapitala 2, mu chalichi cabena Efeso:

Kuli malaika uwa ku chalichi ca Efeso lemba; Ifi fintu efya sosa ena ulya uwaikata intanda cine lubali mukuboko kwakwe ukwakulyo, uyo uwenda mukati ka fya kutekapo inyali ifya golide cine lubali;

⁷⁶ Yohane ewali—ewali inkombe pali ilya nshita. Uwaleenda pakati kafya kutekapo inyali ifya golide cine lubali ali ni Yesu Kristu, Lesa uwa Maka yonse. Cinshi ico Ena alecita? Ena talandile ukuti Ena aleenda mucakutekapo inyali *cimo*, Ena aleenda pakati aka fyonse fyena. Cinshi ico ico cilelangisha? Ukutila Ena ni Lesa umo wine, mailo, ileelo, no muyayaya, kabili namu nkulo yonse iya chalichi kuwa cetekela onse. Ena esa ku. . . pamo na Mupashi wa Mushilo ku nkulo yonse kabili na ku muntu onse; cimo cine mailo, ileelo, no muyayaya.

⁷⁷ “Nikata mukuboko Kwakwe ukwakulyo.” *Ukuboko ukwakulyo* cilepilibula i Shakwe “insambu na maka.” Ukwikatilila mu kuboko Kwakwe ukwa kulyo (pe samba, ukutungulula) inkombe cine lubali ku sha chalichi cine lubali. Oh, Nalitemwa ico. Ukumona Ena aleenda ukupita muli ishi nkulo sha chalichi, Kristu, ukuilenga Umwine pa lwakwe ukwishibikwa ku bantu Bakwe ukupita muli ishi Nkulo sha Fita, nokupitafye ukuya monse mu nkulo; lintu ichalichi califye kabili cafumine, kabili bamo baile mu nshila imo nabambi muli imbi, lelo balya abanono aba mu chalichi batwalililepo ukwikatilila,

kabili Kristu abombele pamo na bena, ukushininkisha i Cebo Cakwe; nokucipisha Cena bwino.

⁷⁸ Cena cintu icaanguka ukumona ifyo ifwe tukwete ileelo, lintu imwe mwatampa ukusambilila ici. Nomba, pano mu kutendeka...Ine nincetekela imwe bonse kuti mwamona ukufika apa pa muulu. [Munyina Branham alangisha pa cipampa cafita—Kale.] Pano pali inkulo ya chalichi cimo, ico ni Pentecosti. I nkulo ya cibili iya chalichi, citatu, cine, cisano, mutanda, inkulo ya chalichi iya cine lubali. Nomba imwe nga kuti mwamona ici mukukonka mukupalamina, i Chalichi catampile pa Pentecosti. Nibanga abalecetekela ico? Mwamona icacitike pa Pentecosti? Nomba ifwe kuti twamona icalichi ilyo ciletwalililapo cena ukuya. Cena catampafye ukuya cilepwa panono, panono ukuya kuntanshi, panono ukuya kuntanshi; panono fye, cena capona kwati *filya* nga fintu i Chalichi icine cine cifuma nokuya.

⁷⁹ Nomba, Kristu...te mulandu nangu i Chalichi cingaba shani icinono, “Ponse apo babili nangu batatu balongana capamo mwi Shina Lyandi, Ine ndi nokuba pakati kabo.” Lintu bena balongana capamo muli cinshi? Mwishina ilya Methodisti? Mwishina lya ba Baptisti? Mwishina lya ba Pentecosti? Mwishina lyakwa Yesu! Ponse apo babili nangu batatu balongana capamo, temulandu ifyo cena cingaba icinono. Kabili bena bali nokuba abanono mu nshiku sha kulekelesha mpaka, Ena atile, Ena ali nokwisa bwangu bwangu nokuputula umulimo nangu takwakabe umuntu uukapusuka ukuya Mukuumbulwa. “Ponse apo babili nangu batatu balongana mwi Shina Lyandi!”

⁸⁰ Nomba, umuku wa wakubalilapo abatumwa. Nomba, tulemona uku ekutendeka kwa, Pentecosti. Ena aleenda ukuya monse, Lesa umo wine umukalamba, nefishibilo fimo fine ifikalamba fyali nokubapo monse mu ukupita mu nkulo pantu Ena aendele pakati kacila nkulo. Ukupala cinshi? Abantu bakwe abo abalongene mwi Shina Lyakwe.

⁸¹ Ndefwaya imwe mumone muli ici ilyo tulepita mu chalichi. *Ici* i chalichi cakwete i Shina lyakwa Yesu. *Ici* icalichi cakwete i Shina lyakwa Yesu. *Ici* icalichi cakwete i Shina lyakwa Yesu. Kabili *ici* icalichi calufishe Cena. *Ici* icalichi cafuminemo, mu nkulo yakwa Luther, pamo “ne shina ukutila uli no mweo, lelo iwe walifwa.” Kabili nokutwalililapofye mpaka ukufika ku mpela ya *iyi* nkulo; kabili pakati ka *iyi* nkulo *neyi* inkulo pali umwinshi uwaisuka uwabikwa uyo uulebwesha lilya i Shina ku chalichi. Nomba loleni nokumona nga cakutila ico e Cine, panuma ifwe twasanga cena mu Malembo. Palya pakati ka—ka nkulo.

⁸² Nomba, mailo munshita yabushiku Ine nkesha ukubika ici pano pakutila ifwe bonse kuti twamona cena. Kabili Ine limbi nkesa mailo mucungulo kabili nokulenga ici kuli...pali kumo

uku—ukutantika uko Ine ndefwaya ukulandapo kuli imwe palwa ico. Kabili nga cakutila umo pali imwe nakwata ilyashi lya kale, mukafilete. Nangu ukubula ifyo mulembele nokuya ku ncende basungilamo ama buuku nangu ku ncende imo nokuya bula ilyashi lyakale, nokubelenga lyena kabili nokumona nga cakutila ici nacilungama.

83 Nomba versi 1. Cinshi ico Ena alecita? Ena alebaposha bena.

Kuli—kuli malaika uwa ku chalichi caku Efeso . . . (kuli Yohane) lemba; Ifi fintu e fya sosa ena uyo uwaikate intanda cine lubali mu kuboko kwakwe ukwa kulyo, uyo uwenda pakati kafyakutekapo inyali ifya golide cine lubali; (cena kuposha)

84 Nomba versi 2 na versi 3, Ena alebatasha:

Nalishiba imilimo yenu, no kubomba kwenu, nokutekanya kwenu, . . . kabili icakutila imwe tekuti mufisende ifyo ifyaba ifyabipa: kabili iwe walyesha bena abo abalanda ukutila batumwa, kabili tababa, kabili basangwa ukutila bena babufi:

85 Mwamona, kulya ukufumako kwena kwalitampile ukwisamo, muli iyi nkulo yakubalilapo. Kale kale yena yatampile kulya; pantu abasalwa kabili i Chalichi ca cine balya abalefwaya ukusunga ifishinka ifyamuli Baibele, kabili nokusunga Ifyebo ifyo Yesu alandile mu bunte Bwakwe, fyena fyatampile ukufumako. Icintu cimo catampile ukucitika, kabili kwaliko bakafundisha ababufi abaimine, abantu abalefundisha ifyalubana, icapusanako ku Malembo, ukwesha ukuletamo icintu cimo nangu ukulundako icintu cimo.

86 Uyo wine e mulandu Ena apele ubu ubusokololo ku chalichi nokutila, “Onse uwafumyako nangu ukulundako, icipandwa conse cili nokufumishiwamo mwi Buuku lya Mweo.” Uyo, uwaluba, munyina! Tafwile ena ukusakana pamo ne Cebo cakwa Lesa! Temulandu nauntu Cena cacena nangu ico Cena cacena, iwe kutilafye Cena nangu cibe ifyo. Inshilafye Cena calembelwamo mulya, iyo inefye e nshila. Ifwe tatulekabila icintu conse icikalamba icili cimbi, ifwe tatulekabila shimapepo uuli onse nangu icintu conse ukupilibula Cena kuli ifwe, Lesa Mupashi wa Mushilo e kelula. Ena apela ukupilibula.

87 Nomba, nga kuti mwamona, ukupilibuka ukufuma ku fibi no kusanga bakasesema aba bufi, panuma iyakutila bena bashininkishiwe ukuba ababufi, ukukwatafye imibele yabulesa. Moneni ifyo ichalichi citampa ukukwata imibelefye ukukonka muli ilya nshita? Bena batampa kwati kufwaya ukonaula abantu pesamba lyakusubwa kwa Mupashi wa Mushilo, ukutampa ukulenga abantu kwati kubapumya bena.

88 Ukuba, bushe Yesu talandile ukutila, “Mwalipalwa imwe lintu bamipakasa pamulandu’ wabulungami”? Ena talandile ukutampa ukuba abamibele. Ena atile, “Sangalaleni, kabili

mube abansansa ishing'i ukucilapo, pantu bena bapakese bakasesema abo aba batangilile." Ena atile ukutila, cena cali ukupalwa ukwacilapo, muli Mateo 5, "Mwalipalwa imwe!" Mulandu nshi, ukukwata abantu abakumipumya pantu imwe mwatemwa Shikulu Yesu, cena lipalo ukukwatafye bena ukulanda ico. Bena babafye. . . Lintu bena batipa imwe, bena baleta amapalo yakwa Lesa ukwisa pali imwe. Cena cibwelela pali bena, kwati fintu cena cacitile pali Balaam pali ilya nshita. Cena—cena cabwelele pali bena. Lintu bena baesha ukupumya imwe ukuba abena Kristu, mulandu nshi, cena cibwelela pali bena, kabili Lesa apela ipalo, pantu, "Mwalipalwa imwe lintu abantu bakapakasa imwe pamulandu we Shina Lyandi." Pamulandu we Shina Lyakwe, "Imwe mwalipalwa!"

⁸⁹ Nomba tulesanga ukutila bena balefwaya ukutampa ukuba mumibele yabulesa.

⁹⁰ Nomba, Ine nalalekela pano nokulandapo ifintu fimo, nincetekela Nalacita. Bushe mwacimona ukutila ukupuputulwa konse. . . Nomba, kapyunga uwa bwananyina, bebeta ici. Ukupuputulwa konse kuleta ba mpundu, pamofye nga fintu Yakobo na Rebekah bakwete ba mpundu: Esau na Yakobo. Ndepilibula Isaki mucifulo ca. . . Isaki na Rabekah, mu cifulo cakwa Yakobo. Isaki na Rabekah bakwete ba mpundu. Wishi ali uwa mushilo, nyina ali uwa mushilo, lelo bena bakwete abalumendo babili abafyelwe: Esau na Yakobo.

⁹¹ Nomba, bonse babili bali aba bukapepa. Lelo Esau, lintu caishile kumilimo nemicitile, nga kakonka wama funde umusuma, ena ali limbi umulumendo umusuma, munshita yonse, ukucila ifyo Yakobo ali. Bushe mwalishiba ico? Yakobo ali fye umulumendo umunono ulya uwaleba na nyina inshita yonse. Lelo Esau alefuma nokuya mukubomba, aile nokuya ipaila wishi wakwe umukote impofu uyo wali kasesema inama, ena aeseshe ukusakamana ena. Lelo Yakobo akwete icintu cimo mu mano, ena alefwaya bulya ububeli! Ena tasakamene pakulepa kwa nshita ena ali nokulolela nangu conse ico ena alecita, icintu icikankala mu mweo wakwe cali bubeli! Kabili Esau asushishe bwena.

⁹² Nomba bushe tamulemona umuntu wacifyalilwa—umuntu wacifyalilwa? Lintu ukupuputulwa kwaisa, kwaba imisango ibili iya bantu ukufuma muli konse ukupuputulwa. Kwaba umuntu wa cifyalilwa ulya uuya, kabili ena kuti aisa kucipailo nokutila, "Ee, mukwai, Ine napokelela Kristu ngo Mupusushi wandi." Ena kuti aya, kabili cinshi icicitika kuli ena? Icintu cakubalilapo namwishiba, ena kuti ashalikisha ukuba mukutalala ukusuma, ichalichi camibelefye, pantu ena atontonkanya, "Ukuba, nga cakutila Ine nayampanya ku chalichi, Ine ndifye bwino ngo muntu umbi uwakonkapo. Bushe Ine nshilifye umusuma nga *Wakuti-na-wakuti*? Bupusano nshi cilepangapo apo Ine naba mu chalichi nokulapila?" Mulandu

nshi, cena bupusano ubukalamba. Iwe ufwile ukuba ukufyalwa cipya cipya. Iwe ufwile wakwata ububeli.

⁹³ Kabili Yakobo tasakamene umusango untu ena balemusekelamo. Ena alefwaya ububeli, kabili tasakamene umusango untu ena ali nokukwatilamo bwená.

⁹⁴ Nomba, abantu abengi tabafwaya ukukwata ububeli pantu bena batontonkanya ukutila bwená tabwaishibikwa nganshi. Bena tabafwaya ukwisa kucipailo nokulila panono, nangu bena ukwikila ukwabula ukulya panono, kabili—kabili nangu icintu cimbi. Bena—bena—bena—bena tabafwaya ukucita ico. Abanakashi abengi...abengi, imwe namwishiba, bala... balabika bakalaso, bena batontonkanya nga cakutila balila limbi kuti yafumapo, kabili bafwile baya ibikapo nakabili. Mulandu nshi, bena...cena...Kabili Nshilepilibula ukulanda ico muli bukapépa, Ninsubila ukutila cena tacifwile ukumfwika muli iyo nshila lelo ico e cine. Bena tabafwaya fye Ico. Bena tabafwaya Ukufyalwa Cipya, pantu Ukufyalwa Cipya cena musango wafiko. Cena caba kwati kufyalwa konse kumbi. Ukufyalwa konse fiko, Ine nshilesakamana apo kwena kufwile kwaba. Nga cakutila cena mwakusungila inkumba, nangu mubutala, nangu nga cakutila cena nimubwanganalishi, ukuwamya umuputule wamu cipatala, fyena fiko.

⁹⁵ Kabili ifyo fine eflyo no Kufyalwa Cipya cipya kwaba ifiko! Amení. Cena kuti calenga iwe ukucita ifintu ifyo iwe tawatontonkenyepo ukucita; ikwiminina mulusoso ulelisha icisekese, nangu ukwimba, “Ubukata bube kuli Lesa! Alleluya! Lesa Alumbaniwe! Ubukata bube kuli Lesa!” Mulandu nshi, iwe kuti wacita kwati lishilu. Ifyo eflyo cacita kubatumwa, ifyo eflyo cacitile kuli nacisungu Maliya, ena acitile kwati alikolelwe. Ena ali fiko mu bantu, lelo cena cisenda ifiko ukufumyamo umweo. Amení!

⁹⁶ Kano fye icili conse cafwa kabili cabola, ubumi tekuti bufume muli cena. Kano fye umuntu afwa no kubola mu matontonkanyo yakwe umwine, Kristu teti engile mu mutima wakwe. Lintu iwe uleesha ukutontonkanya palobe, “Nomba, nga cakutila Ine naenda ukuya kucipailo nokutila, ‘Ee, Shikulu, Ine—Ine ndi muntu umusuma, Ine nalakubula Iwe. Ine ndi nokulapela ifyekumi fyandi. Ine ndi nokucita ici,’” iwe ufwile ukufwa nokubola palya pene ku matontonkanyo yobe. Lekení Mupashi wa Mushilo abe kuntanshi nokucitafye ico Ena alefwaya kuli iwe. Iwe bula umusango wafiko kuli cena. Ico caumfwika icabipa, teca bukapépa, lelo cena e Cine. Yena e nshilafye iyo Ine fye naishiba ifyakufumya icintu ukulenga iwe ukutuluke Ico.

⁹⁷ Cinshi icali ukucilapo pafiko ukucila lilya ibumba lyaba shimucindikwa balya aba Yuda bulya bushiku, ukucila ukumona abantu baleisa ukufuma mulya nemilomo iyakumemensela? Imwe namwishiba ifyo ukumemensela kwaba? “Huh, huh, uh,

uh, uh, uh. . .? . . .” Indimi shimbi, kabili no kucita kwati bantu abakolelwe. “Huh, huh, uh, uh, uh.” Ico bwino bwino fye eco bena balecita. Bena bamoneke ifiko!

⁹⁸ Kabili ena atile, “Bushe aba bantu bonse nabakolwa umwangashi upya?”

Lelo panuma ya muntu umo abwelele mubutuntulu pa lwakwe, ena atile, “Leken i cishibikwe kuli imwe, kabili mukutike kumashiwi yandi, aba tabakolelwe ngefyo imwe muletunganya bena ukuba.” Lelo ena abwekelemo ku Malembo, “*Ici e cilya* icalandilwe na kasesema Yowele, ‘Kabili cena cikesa fikilishiwa mu nshiku ishaku kulekelesha,’ efa sosa Lesa, ‘Ine ndi nokupongolwela u Mupashi Wandu pa muntu onse.’”

⁹⁹ Iyo e nshila i Chalichi cafyalilwemo mukubalilapo. Nibanga abacetekele ukutila Lesa asangwa konse konse? Nomba Ena tekuti acinje. Kabili nga cakutila lilya elyali ilyano Lyakwe ilya Chalichi mukutendeka, uyo e musango wa Chalichi Ali nokukwata mukulekelesha. Ena tekuti acinje. Eico nimumusango nshi iwe winga pyanishishapo ukuposhanya mukuboko, nangu ukusansa amenshi, nangu—nangu icintu cimbi ico icishacitike kulya kwine? Cila umo paba tumwa abwekelemo kuli cilya cine.

¹⁰⁰ Panuma bena bacitile fyonse ifi. . .Mupashi wa Mushilo aponene pali bena, Petro atile, “Bushe kuti twalesha amenshi, ukumona ukutila aba bapokelele u Mupashi wa Mushilo kwati fintu ifwe twacitile pakutendeka?” Kabili ena abebele ukubatishiwa mwi Shina lyakwa Shikulu Yesu. Ico nacilungama.

¹⁰¹ Paulo aile kulya kabili asangile abantu balebilikisha, bakwete inshita iisuma, ibumba ilyaba Baptisti balekatamika Lesa, kabili ena atile, Imilimo ya Batumwa 19, atile, “Bushe mwalipokelela Mupashi wa Mushilo ukutula apo mwacetekele?”

Bena batile, “Ifwe tatwaishiba nga cakutila kwaliba Mupashi wa Mushilo.”

Atile, “Nimumusango nshi imwe mwabatishiwilemo?”

Bena batile, “Ifwe twabatishiwe ku muntu umo wine ulya uwabatishe Yesu, Yohane Kabatisha.”

¹⁰² Atile, “Ee, cena ico tekuti cibombe nakabili.” Mwamona? Petro alipwishishe ukukakatika ico pa Bushiku bwa Pentecosti. Alikwete ulufungulo. Mwamona?

Atile, “Cena nga cakutila ine nshibombele nakabili imwe mufwile mwabatishiwa nakabili.” Eico ena ababatishe nakabili, mwi Shina lyakwa Shikulu Yesu Kristu. Abikile amaboko yakwe pali bena, kabili bakwete umusango wine uwafisabo ifyo bena bakwete kulya pakutendeka. U Mupashi wa Mushilo waponene pali bena, kabili bena batampile ukulandila mundimi nokusesema.

103 Nomba, ico caba e Chalichi ukupita mu nkulo. Nomba, cena catampile pano mukutendeka.

“Ine nalishiba ukutekanya kwenu. Imwe mwaliba abashupa mukutekanya ukukalipa, Nalishiba ico. . . Nomba ibukisheni, Nomba ibukisheni Ine nine ulya uwenda mukati kafya kutekapo inyali. Nalishiba ukutekanya kwenu, kabili nomulimo wenu, nokucucutika kwenu, nokutemwa kwenu, nefyaba ngefyo. Ine nalishiba nafyonse ifyo imwe mwacita. Kabili Nalishiba ukuti imwe mwalyesha aba bantu abaita palwabo ‘bakasesema, abatumwa,’ Kabili nokusanga ukutula bena babufi.” Oh, ico cintu icawama bwino, bushe teifyo? Ine nshili uwashingamwa palwa ico, Ena aba. Ena atile bali ababufi.

104 Lelo Baibele yatila, “Esheni umuntu. Nga cakutula palipo umo pakati kenu uwa bumupashi nangu kasesema, nangu atila ena aba, Ine ne Shikulu nkailenga pa Lwandi ukwishibikwa kuli ena. Nkalandila kuli ena mufimonwa, kabili na mufiloto. Kabili nga cakutula ico alanda nga caisa fikilishiwa, nomba mukamumfwe ena; tamufwile ukumutina ena, mwamona, pantu Ine naba pamo nankwe. Lelo nga cakutula cena tacishile fikilishiwa, tamufwile ukumfwa kuli ena, ena takwata i Cebo Candi.” Mwamona, nga cakutula cena Cebo Cakwe, cena cili nokucitwa.

105 Nomba, bena basangile aba abantu ukutula tabaletwalililapo umwabela Baibele. Mwamona, bena baleesha ukukwata icintu cimo cimbi. (Ndefwaya imwe mutwalilile ukusunga icakutontonkanya icakwisalapo nomba, apo ifwe twalafika pacikalamba mu ma mineti fye ayanono.) Nomba, nomba Ena atile, “Namona ifyo iwe waba. . . ukutula iwe ulakokola ukukalipa, kabili nokutekanya kabili. . . pamo nabena. Iwe mwalibesha, kabili walifwalisha ukwishiba ukutula bena tebatumwa. Bena tababa ifyo.”

106 Nomba, nga fintu Nacilanda kukutendeka ilyo tatulatampa pali ici nakabili, ukupuputulwa konse kuleta ba mpundu babili. Umo muntu wa bumupashi; na umbi umo muntu wa cifyalilwa uwa pe sonde, “Ine naliyampanya ku chalichi, Ndifye umusuma ngo muntu onse.” Kabili ico eco uku ukupuputula kwaletele. Ico eco, ukupuputula ukuli konse. Kabili ico eco Luther aletele, kabili ico eco abakwa Irenaeus baletele, ico eco u Washila uwakwa Martin aletele, Ico eco abakwa Columba baletele, ico eco abakwa Wesley baletele, kabili ico eco Pentecosti yaleta. Bwino bwino fye.

107 Imwe namumona ifyo bena babyala ulubuuto? Balikula ama chalichi yabo, kabili nokufuma ukuya, kabili ne ncende ishisuma ishikalamba kabili (owe, yangu ine!) iminina nokubwekeshapo Isambilisho Iya ba Batumwa. “Nacetekela mu Chalichi caci Roma ica Katolika ica Mushilo, kabili nokulanshanya kwabashila.” Umuntu onse uyo uwacetekela mukulanshanya

capamo ukwa bashila ena muntu wamipashi. Icintu conse icilanshanya pamo nabafwa cena cakwa ciwa. Ico nacilungama bwino bwino. Ifwe twakwatafye umu ndubulwila pakati kakwa Lesa no muntu, uyo Muntu, Yesu Kristu. Ico nacilungama. Ico eco Petro alandile. Kabili imwe mwebatemwikwa mwe bantu ba Katolika mumwita ena “papa wakubalilapo, kabili Petro pakuba papa uwakubalilapo uyo uwaendele pamo na Yesu.”

¹⁰⁸ Kabili nomba ena atile, “Takwaba ndubulwila umbi pakati kakwa Lesa no muntu.” Kabili naba, imwe mwalikwata amakana ikumi bambi ileelo. Mulandi nshi cena cacinjisha ifi apakalamba, nga cakutila ichalichi tacaba necilubo kabili taci cinja? Kabili neminsa yonse ilandilwa mucu Latini eico tacili nokucinja. Cinshi icacitike? Nipesa apo imwe mwasangile ama Sambilisho ya Batumwa muli Baibele? Nga cakutila abatumwa balikwete isambilisho ilili lyonse, lyali “Lapileni, kabili batishiwani onse pali imwe mwi Shina lyakwa Yesu Kristu mukwelelwa ukwa membu shenu.” Tapabapo isambilisho limbi ilyo Nataka ukumfwa bena ukwishiba nangu ukusungila icintu icili conse.

¹⁰⁹ Lelo lintu cena caisa kuma “chalichi aya ci Roma aya Mushilo” kabili nefi fyonse ifintu fimbi, kabili “Lesi Taata uwa Maka yonse uyo uusunga imyuulu na pe sonde,” ico cintu cabulamo amano. Mwamona? Ico nacilungama. Cena tacaba muli Baibele. Tamwaba icintu caba ngefyo icaba ifyo mu Malembo. Cena lisambilisho iliyapangwa ilyo bena bapanga. Lelo lyena . . . amapepo yonse nefintu fyonse cintu fye icapangwa.

¹¹⁰ Ifwe kuti twamona ileelo ukuti ba Protestanti besu, lintu twaisa muno, bafuminefye ukufuma muli bena. Kabili ngafintufye Billy Graham alandile pa Mulungu, “Abantu baliba mu cilubo panshita itali mpaka bena batontonkanya ukuti balilungika ilyo bena bali mucilubo.” Ico nacilungama. Cena e cine. Ine ndi nensansa ukutila Ndi. . . Nakuba Ine nalishiba Billy Graham apokelele Mupashi wa Mushilo pe samba lyakwa George Jefferies kulya kwine, lelo muli ishi shimo inshiku ena ali nokufuma muli cilya. Lesi alemubomfya palya pene nomba, pantu ena kuti asunkanya bulya bufumu icakuti takwingaba nangu umu uwingengilamo mulya. Lelo kuti mwamona mukushimikila kwakwe, ukuti mulimo icintu cimo icili kunuma yacilya, pamulandu wabamo abo pano abaleposhanya mumaboko ba Baptisti. Ee, mukwai!

¹¹¹ Nomba:

Ine nalishiba imilimo yobe, . . . kabili nokutekanya kobe, . . . ifyo ica kuti iwe tekuti. . .

¹¹² Leken tumone nomba, Ninkwata i . . .

Ine nalishiba imilimo yobe, kabili nokucucutika kobe, kabili nokutekanya, . . . ifyo iwe tekuti ufisende fyena ifyo ifyabipa: kabili iwe walibesha bena balya abatila

bena batumwa, kabili tababa ifyo, kabili bena basanga ukuti ba bufi:

113 Ena abasanga ukuba ababufi. Nimumusango nshi bena baishibelemo cilya? Bena tabaleambula pamo ne Cebo.

114 Nomba, ngacakutila umuntu atiila ukuti “Iyi Baibele yalanda muba Hebere 13:8 ‘Yesu Kristu, aba cimo cine mailo, ileelo, nomuyayaya,’” umuntu atile, “Ah, inshiku sha fisungusho shalipita,” nomba ulya muntu ninshi wabufi.

115 Ngacakutila Baibele yatila, “Lapileni, nokubatishiwa cila umo pali imwe mwi Shina lyakwa Yesu Kristu pakwelelwa kwa membu shenu,” kabili ne ncende yonse muli Baibele yalanda icintu cimo, kabili no muntu onse ulya uwabatishiwe munshita ya Baibele abatishiwe mwi Shina lyakwa Yesu Kristu, kabili ena abapele umulimo uwakubatisa, uwakusansa, nangu icintu cimbi kwati ngefyo, uyo muntu wabufi, uwasangilwe ukuba kasesema wabufi.

116 Ndesubila Nshilecena imyumfwile, lelo Ine...Munyina, iwe—iwe tekuti ulepampansa Ici, yena ni nshita, iyakufumyako amakolofu noku senda i Mbila nsuma. Mwamona? Ico e Cine.

117 Nomba, nangisheni icintu cimo icabelako. Nangisheni apo muntu umo abatishiwe mu nshila imbi ukucila mwi Shina lyakwa Yesu, mwamona, kunse ka chalichi ca Katolika. Eico ngacakutila iwe wabatishiwa muli iyo nshila, iwe tawaba mu chalichi ca bena Kristu, iwe waba mu chalichi ca Katolika pantu emo iwe wabatishiwa. Umutandashi wabo *Sunday Visitor*, katikishimu atile, ilipusho, “Bushe Protestanti onse akapusuka?” Atile, “Abengi pali bena, pantu bena bakwata ulubatiso lwesu ne fintu ifingi kwati ngefyo.” Atile, “Bena balanda palwa Baibele, na Baibele yatila ‘mulebatisha mwi Shina lyakwa Yesu Kristu,’ kabili ifwe twasenda cena ukufuma palya nokubikamo ‘Taata, Mwana, na Mupashi wa Mushilo’ kabili bena balisuminisha kuli ico.” Icine cine. Mwamona? Te mwi—te...Lwena telu—lwena te lubatiso lwa mwina Kristu, lwena lubatiso lwa Katolika.

118 Bushe mwali ngumfwile mu bushiku ndelanda ukutula, “Bushe mwalibatishiwa mu lubatiso lwa *bwina Kristu*?” Ulubatiso lwa *bwina Kristu*, Kristu, “Yesu Kristu,” temumashina yamo.

119 Nomba, versi ya 3 nomba. Nacilungama, versi ya 2 na 3. Nomba versi ya 3:

kabili alifyele, kabili akwete ukutekanya, kabili pa mulandu we shina lyandi aali bomba, kabili tatala filwa.

120 “Pe Shina Lyandi.” Bushe mwacimona ukutula bena balikwete ukutekanya? Ukubombela pali cinshi? Ishina Lyakwe. Moneni lilya i Shina ilya ikatilila muli cilya chalichi? Nomba moneni cena, lintu ifwe twapita mu mulungu, ifyo cilya cipwa

nokuya mwi shina limbi. Mwamona? “*Bakwete ukutekanya, babombele, nafimbipo, kabili pamulandu we Shina Lyandi.*” Ena. . .Bena babombele i Shina Lyakwe, ukusunga i Shina lyakwa Yesu Kristu pa mulu wa chalichi icili conse, pa mulu wa cintu icili conse cimbi.

¹²¹ Leken i Cena cibe icakubalilapo, “Conse,” Baibele yatila, “conse ico iwe ulecita mu cebo nangu mumicitile, ulecita conse mwi Shina lyakwa Yesu Kristu.” Bushe ico nacilungama? “Conse ico ulecita ucitile mu cebo nangu mu micitile.” Ngacakutula iwe uleufya, uleufya umuntu; ngacakutula iwe wafilwa ukucita ico, ngacakutula bena bali abaikobenkanya nganshi mu cupo cabo, taufwile ukubofya bena nakalya. Mwamona? Ngacakutula iwe teti ukakulwe nokutula, “Ine nalanda kuli imwe ukuti imwe mwaba amulume no mukashi mwi Shina lyakwa Yesu Kristu,” lekeni bena baye. Nacilungama. Ngacakutula ulefwaya ukubatisha bena, batisha bena mwi Shina lyakwa Yesu.

¹²² Ngacakutula iwe ulefwaya ukucita icintu cimo ico tawingacitila mwi Shina lyakwa Yesi, cileka cibe cena ceka! Umuntu akweba ukuti, “Nwamo panono.” Iwe teti ucite ico mwi Shina lyakwa Yesu, eico leka cena cibe ceka! Umuntu umo akweba ukuti, “Teyako panono injuka.” Iwe tekuti ucite ico mwi Shina lyakwa Yesu, eico leka cena cibe! Akanono, akafiko, akakowela akamimpulwe kumalila yenu ayapalwalala, teti ulande yalya mwi Shina lyakwa Yesu, eico cileke cibe! Mwamona? Imwe tekuti mufwala bakaputula mwi Shina lyakwa Yesu, eico lekeni cibe ceka! Kuti natwalilila, lelo ifwe. . .imwe namwishiba ico Ndelandapo. Nacilungama. Iwe tekuti ucite ico. Ico iwe tawingacita mwi Shina Lyakwe, cinshe cena ceka! Pantu, Ena atile, “Conse ico iwe ulecita mu cebo namumicitile, ulecita ico conse mwi Shina lyakwa Yesu Kristu.” Nacilungama, nomba.

¹²³ Nomba ifwe twala. . .Ico e. . .Abatashishe bena pali ico. Nomba Nalalanda palwa kwiilishanya mu chapitala 4. . . nangu versi 4, ukucila.

Nagu cibe ifyo Ine nikwata cimo ukulola kuli imwe, pantu imwe mwlisha ukutemwa kwenu ukwakubalilapo.

¹²⁴ Oh! “Ninkwata icintu cimo icakukweba. Iwe waba uwatekwanya, iwe walisungilila i Shina Lyandi.” Bushe ico tacili icintu icisumafye ica iyi tabernacle ileelo? Ee, mukwai! “Iwe walibafye uwalungama, kabili iwe walikwata ukutekanya ukwingi, kabili walisunga inshita iitali, lelo icintu ica ico nici. . .Iwe walisunga i Shina Lyandi. Ndetotela ico conse. Ine—Ine ndekutasha pali ico, cena nacilungama. Kabili Nalimona ukutula iwe walibesha bena abo abatila bena batumwa nefyaba ngefyo, kabili nokusanga ukutula bena babufi, bena tababa pamo ne Cebo. Ine—Ine ndetotela conse ico. Lelo kuliko icintu

cimo Nkwete ukulola kuli iwe, neco cakutila iwe walisha ukutemwa kobe ukwakubalilapo. Iwe washile uko ukutemwa panshita imo wakwete pali fyena ifisuma, ifyakale, ukulongana kwa Mupashi kwa Mushilo, kabili iwe walitampa ukubwelela kunuma ukuya muli ilya imibebe, iyaishile pamo na “Taata Wesu . . .” Ifyabulamo amano! Mwamona?

¹²⁵ Lyonse ili ibumba pano, kabili umuntu umo aisa ukufuma nomwingila uukalamba pali bena (imwe namwishiba, ukwisa nokwimba muli bakemba, imwe namwishiba), nokupilibula kwa mushishi wabo onse na fyonse, kabili na kalaso umwingi pa finso fyabo, kabili bena nokwimba kwati Nshishibe ifyo.

¹²⁶ Pano tapapitile inshita iitali, nga cakutila tacali kulongana kwakwa Oral Roberts, Ine nga naitile ibumba ilikalamba ukufuma. Ine nali—Ine nali pa Mulimo pa musonkano wa Baume kabili wena wacitilwe . . . ifwe tatwakwete . . . bulya ubushiku Nali nokulanda. Bena bafililwe ukwikatilila cilya mulya mwi hotela, kabili bena bantwele mu—mucikulwa cakwa Oral Roberts. Kabili ilyo Naikele mukusambililsha kwakwa Oral, mwali ibumba ilikalamba ilya bana ba Pentecosti (oh, abaume imisepela na banakashi, aba myaka ikumi na mutanda, ikumi na cine lubali iyakufyalwa, aba myaka ikumi na cine konse konse) bonse baiminine kulya; abakwata amakumi yatatu nangu amakumi yane bena palwabo baleya mukwimba kwati—panonoko . . . baleumfwika kwati kulisha ukwanyimbo isha kufwenkula ukupitila mu muntu umo kwati nifilya Becky alandapo, Tchaikovsky nangu bamo pali bena ifyaba imisango kwati nifyo; Ine nshishibe, kabili na bamo umusango wa nyimbo, inyimbo ishaibela. Kabili bali bena pano, kabili aba bwananyina bali nokupela umusangulo mulya mukulongana, kabili na cila umo pali aba aile kabili bakwete inkombo shinono, balecita kwati bali ni mpofu kabili nafyonse ifyakusekesha kabili nokutwalililapo ico imwe tamwatala amumfwapo, pakati kabo abalumendo nabakashana, kabili nokulanda kwati fintu fyonse. Kabili bena abakashana bali na kalaso pali bena, ati iyo iyali nokupenta icikulwa cakwa Oral, mupepi nokupwisha. Kabili palya bena bali kwati filya fine, nokulaita abene ba “Pentecosti.” Bena balufishe ukutemwa kwabo ukwakubalilapo!

¹²⁷ Iicine cine ine ndetungilila pamo David duPlessis, “Lesa takwata abenshikulu.” Iyo, mukwai! Twakwata abana bamu benshikulu ba Methodisti. Twakwa abana bamu benshikulu ba Baptisti. Twakwata abana bamu benshikulu ba Pentecosti. Lelo Lesa takwata nangu umo! Imwe muli bana abaume na banakashi. Imwe teti mwingile ukukonka banoko benu nangu ba wiso benu pantu bena bali abaume abasuma kabili abanakashi, imwe mufwile ukulipila umutengo umo wine untu bena balipile. Imwe mufwile ukufyalwa nga fintu bena bali. Lesa takwata abenshikulu nakalya. Iwe uli umwana umwaume nangu

umwanakashi; nanfu, iwe tauli umwinshikulu umwaume, ico e cintu cimo icakushininkisha.

¹²⁸ Naile ku kulongana kulya, kabili bena kulya... icalichi caba Pentecostal Assembly icisuma. Mulumendo, ufwile iwe wamona bena abanakashi basalangana lintu bena bamona ine naingila; nakalya akaputula, imishishi iyaputulwapo, natulya utunono utwakale utwakufwala citika, kwati ngo muntu uwanaka uushileta nangu cimo, imwe namwishiba, ifyaikata umubili filya ifyakufwala kwati ngefyo, abanakashi ba Pentecosti, bafwala buce buce.

¹²⁹ Imwe muli nokwasukilapo pali ifyo, pa Bushiku ubwa Bupingushi. Imwe mukaba abamulandu ukucita ubuce, Yesu atile, “Onse uyo uwaloesha pa mwanakashi nokukwata insuna pali ena, ena nacita ubuce pamo nankwe kale mu mutima wakwe.” Kabili nga waipela we mwine palobe ku mwaume kwati ngefyo, ninani ali nomulandu? Iwe nangu umwaume? Beni abalungama! Butukako kumimonekele iyabubi! Mwamona? Eico mwaishiba imwe.

¹³⁰ Cinshi ico imwe mwacitile? Mwalifishe ukutemwa kwenu *ukwakubalilapo*. Oh, imwe teti mubamone bena mulusoso necisekese baletota bena namaboko yabo nokulumbanya Lesa. Oh, iyo! Bena bali nokwimba kwati cintu cimo icapa muulu nemingila iingi pali bena. Mwamona, bena balufishe ukutemwa kwabo ukwa *kubalilapo*. Uyo emulandu uwaba ne chalichi cakubalilapo. Mwamona?

¹³¹ Bena bafwile bacitafye nge sonde. Bena bafwile ukufwala kwati li sonde, ukumoneka kwati li sonde, ukucita kwati li sonde. Kabili balikwata untu batemwisha uwaishibikwa uwapa citunshi tunshi, imwe namwishiba, bena teti baleke ukulamona ena. *Ifwe twalitemwa Susie* nangu icintu cimo cimbi, namwishiba, bena bafwilefye ukumona fye ico. Bena kuti baikala ku ng’anda ukuna ukuya mukulongana ne fintu fimbi ukumonafye yena. Nga cakutila tabacitile, bena kupela kakumba wabo icakumunasha, pakutila bena bafume bwangu mu nshita mpaka ilya program yaisa bapo pakutila bena bafika bwangu ku ng’anda nokumona yena. Ukutemwa isonde kwalibapo ukwingi ukucila ukutemwa Lesa!

¹³² Oh, abamibele yacilapo, bena balafilwa ukulanda, “Ameni!” tayabamo. Owe, yangu, cena kuti caonaula kalaso umo. Mwamona? Bena tabakwata Ico nakabili. Abo niba Pentecosti. Abo teba Baptisti. Bena tabakwete Ico mukubalilapo, ba—ba Presbyteriani. Ine ndelanda palwa ba Pentecosti. Ico nacilungama. Ninjishiba ico cintu cabipa cila lwalika, munyina, lelo tulefwaya ukufyalwa ukufuma muli ici cintu; cifwile caleta imfwa ilyo takulati kube ukufyalwa. Mwamona? Mwamona? Cena e Cine. Lelo mwaumfwa imwe, mwashile ukutemwa kwakubalilapo. Ine...

¹³³ Nga cakutila Lesa alikwete ico ukulola kuli *cino* chalichi, Ena alikwata ico ukulola kuli *ulya* umo pamo! “Pantu imwe mwashile ukutemwa kwakubalilapo, Ninkwata ico ukulola kuli imwe. Ninkwata icintu cimo ukulola kuli imwe ico ekuilishanya Kwandi. Imwe panshita imo mwalikwete inshita iikalamba, lelo imwe—imwe mwalekele isonde lyatampa ukwingilamo, kabili na imwe mwakwete ukucita ukwamibele inono. Imwe mucili namwikata i Shina Lyandi, kabili imwe mucili mulecita ifintu ifyo ifyaba ifyalungama, kabili imwe namukwata ukutekanya ukwingi nefyaba ngefyo, kabili imwe mulabomba, imwe mwaba pamo kwati ni mpongolo, imwe mucululuka nokubomba.”

¹³⁴ Owe! Owe! Owe! Mwamona, imwe mwalisha ukusenamina nokucetekela na maka, imwe pakucinja cena nokucululuka nemilimo. “Ukuba, Nde eba iwe Munyina Branham, Ine—Ine ngamfwilisha onse mukamfwilwa umwanakashi Ine ndacita ico.” Ukuba, ico cintu icisuma, Ine nakutasha pali ico. Lelo ni kwisa ukuli kulya ukutemwa uko wakwete panshita imo? Uh-hum, uh-hum. Nikwisa ukuli kulya ukusangalala kuntu iwe walekwata? Nga fintu Davidi panshita imo alilile, “O mwe Shikulu, bweshesheni kuli ine ukusangalala kwepusukilo lyandi.” Nikwisa ukwaba yonse yalya amapepo ya bushiku bonse, kabili nefilamba pamatobo yenu? Owe, yangu, Baibele yalikhwata nolukungu kwaliba nafitanda bube pali Yena. Imwe mubelenga amalyashi yakale ayakutemwa, namalyashi ne fintu; kabili ne fintu ifyo ifishingacitwa kabili nangu fye ukusuminishiwa ukusalanganishiwa nangu kabili ukufibika mu—mu ng’ungulu yafiko, kabili ifwe fwe bantu ba Pentecosti twabula fyena nokuponena pali fyena kwati libumba lyaba lunshi mu ng’ungulu yafiko. Ico nacilungama. Oh, uluse! Ico tulekabila cakutila: Ifwe kubwelelamo ku kutemwa kwesu ukwakubalilapo! Ukubwelelamo ku Pentecosti! Oh, Ine mfwile nafumako kuli filya. Nacilungama. Lelo, imwe mufwile mwakutuluka, “Ukusha kulya ukutemwa.”

¹³⁵ Versi 4, versi 5 nomba. Kusoka, versi 5, kusoka: “Ibukisheni kabili lapileni!” Mwamona?

Eico ibukisha palya pantu iwe waponene, . . . (Nikwisa uko wafumine? Ukufuma ku pentecosti iwe waponena apo uli nomba, kubwelela kunuma). . . *kabili lapila, nokucita imilimo ya kubalilapo yobe;* (bwelelamo ku pentecosti nakabili). . . *nga teifyo Ine ndeisa bwangu bwangu kuli iwe, kabili ndi nokufumyapo icakutekapo inyali ukufumya mu y-a-k-w-e. . .* (Mona uyo untu ali, teifyo?). . . icifulo cakwe, kano iwe walapila.

¹³⁶ Amashiwi yambi, nga cakutila imwe na mukwata kakumba uwaisulamo na Lesa, uwaisulamo na Mupashi wa Mushilo, kabili imwe muleesha ukumusonta iminwe, ukutila, “Ukuba, nga cakutila ena alandapo icintu cimo palwa ifwe pakukwata bakemba aba mingila, nga cakutila ena alandapo icintu icili

conse palwa ifwe ukubika ba kalaso, ifwe tuli nokumufumyafye kwi senge.” Tamufwile ukusakamana, Lesa ali nokucita ico ilyo imwe tamulakwata inshita iya ico. Ena ali nokuya nokuya shimikila ku mabwe mumisebo ilyo ena takulaba ukumfwana pamo ne fintu fyamusango ifyo. Imwe mwalikwata kakumba uyo icine cine alamyeba Icine, imwe mufwile mwakatamika Lesa nokwikala mu Mupashi, no kupepa Lesa, ukwiluka ukutula imwe muli nokuluba nga cakutula tamucitile. Mwamona?

¹³⁷ Lelo abantu bakala ileelo kwati bena baleya . . . ici e cintu fye cimo ico icaliko, “ukwikala pano pe sonde, epelafye.” Imwe tamwiluka ukutula mwalikwata umweo uyo uuli nokufuma pano kabili nokuya ku ncende imo. Kabili imwe imwe mulesalila ubuyo bwenu pano pene, ukukonka no musango imwe mwikalilamo, kabili nomusango mucitilamo ifintu, nokulakwata ulupato, kabili abakaso, nenfintu fyonse, kabili nomba ukubutukila ku chalichi. Oh, luse! Whew! Insoni pali imwe.

¹³⁸ Imwe muleta umusebanya pamu—pamulandu wakwa Kristu. Bushe ico tacilungeme? Bushe ifwe tatucita ico? Balya abantu bamubumfisololo tabacena i Chalichi; *Ico* teifyo. Cena tacili ni cilende uucena i Chalichi. Cena bantu abo abalanda ukuba abena Kristu ebacena i Chalichi. Ifwe natwishiba aba abantu bamubumfisololo ifyo baba kabili nefyo cilende aba. Lintu ba nkashi yesu bafwala kwati ni cilende, *ico* nacipusanako, ico ecicena i Chalichi. Lintu umuntu akolwa kwati nikacita wamu bumfisololo, ukuba, nomba, ico eci cena i Chalichi. Bena balanda ukuba abena Kristu kabili bena balacita filya. Abantu balolesha pali imwe pali lilya ishina . . . “Lekeni uyo uwitwa i Shina lyakwa Yesu Kristu atalukeko ku lubembu.” Mwamona? Afumeko kuli lweni.

¹³⁹ Oh, ifwe natubulisha mweba bwana nyina. Ine, iwe, ifwe bonse, tuli—tuli ababulisha ico Kristu afwaya ifwe ukuba. Kabili pano pene muli buno bushiku cena ninshita iyakubika lubali ulubembu ulu ulu tulungulusha ifwe, kabili ukubutuka nokutekanya ulubilo ulu ulwabikwa kuli ifwe. Bakashimikila, ico nacilungama, aba bwananyina. Ico bwino bwino fye nacilungama.

¹⁴⁰ “Ibukisheni kabili lapileni, nangu Ine ndi nokufumyapo u Lubuuto palutanda ukufumya mu ncende yakwe.” Incende yakwe ni cinshi? Nimu Chalichi. “Lelo nga cakutula iwe taulapile kabili wabwelelamo kulya kuntu wali mu ncende yakubalilapo, Ine nkafumyako kakumba palya pene kuli iwe kabili nokumufumya mu ncende yakwe; Nkamutwala ku ncende imo imbi uko ena . . . uko Ine nkalangisha u Lubuuto Lwandi ulu ulukabengeshima.” Hmm! Bushe ico tecabulanda?

¹⁴¹ Yena ni nshita yama chalichi ukulapila. Yena ni nshita kuli ba Pentecosti ukufumya abengi bakasambilila aba iwamya

panono ukubafumya kufintamba, kabili nokubula balya abakale bakashimikila ukubatwala mulya abo abenga landa kuli imwe i Cine; tekulaba pampansha kabili nokubomfya ichalichi nge tiketi lya fyakulya, amalipilo ayakalamba, nefintu fimo kwati ifyo, kabili nokwishiba amano, kabili nefyakubutuka pali ba kabalwe, ifyakulya fya cungulo, kabili nefintu fimb. Yena ninshita iyakubwelela ku Mbila nsuma. Ine nshilesakamana ifyo iwe wingaba umunono, “Apo babili nangu batatu balongana capamo, Ine—Ine ndi nokuba pakati kabo.”

142 “Lapileni, kano Naisa nokufumyapo icakutekapo inyali; kabili nokumutuma ena ukufumapo, ukuya ku ncende imbi, nokusanika ulubuuto lwakwe kumbi ku ncende.”

Nomba versi ya 6. Nomba pano pali cimo cintu twalakwata naco ubwafya. Nomba, kanofye iwe walapila, Ena ali nokwisa nokwisa fumyapo kakumba ukumutwala kumbi.

Lelo ici iwe walicita, . . .

143 Nomba, ibukisheni. Oh, imwe mwipusulwa kuli ici nomba. Ici ecala isalila conse icashala capamo, ukuposa panshi pali ici ifwe twa . . . inkulo ifwe tulimo nomba. Umuntu onse aleumfa bwino, mukubalilapo? [Ulukuta lwatila, “Ameni.”—Kale.] Bushe imwe muli mukwangufyanya? [Ulukuta lwatila, “Iyo.”] Nacilungama, nomba. Nacilungama, loleleniko panono nomba. [Munyina atila, “Twikale ubushiku bonse.”] Nomba . . . Natotela.

Lelo ici iwe walicita, (Bena balikwete icintu cimo nomba, bushe tabakwete? Nomba, cinshi ico bena bakwete?) ukuti iwe walipata imicitile yabena Nikolaito, iyo na Ine napata.

144 “Imwe walipata iyo imicitile iya bena Nikolaito.” Ukwikala mukusambilila ileelo ukufika palya, Nacilemba ifintu fimo pano pali ico, Ndefwaya imwe mukutike mukukonka panono panono nomba, fyena nafilimbwa pama pepala ayengi pano. Versi 6, ukulumbanya nokusuminisha; ico cili, Lesa ne Chalichi fyasuminishenye pa cintu cimo, ukutula bena “bapatile imicitile ya bena Nikolaito”; u Mwangashi uwa cine, u Mwangashi uwa cine, i Chalichi ica cine ico icali mu chalichi ca bena Efeso.

145 Nomba, ibukisheni, cila chalichi calikwata imibele ya ciko kabili cila ichalichi calikwata ifya bumupashi fya ciko. Abo eba mpundu abafyalwa mukupuputulwa konse kabili nokwikala mu chalichi conse. Bena batampile bwino muli *iyi* nkulo kabili nokushalikisha muli *iyi* nkulo. Kabili mukulekelesha, imibele yatwele cena mulya mu Nkulo ya Thyatira, kabili Luther aishile cibwekesha ku numa nakabili. Kabili nomba cena cilesangwa mulya mwine nakabili. Bushe imwe kuti mwamona imibele yabuka pepa? Tapali ubupusano pakati ka cilya nabu Katlika. Cena conse cintu cimo cine. Akabungwe konse kalonaulwa mulya mwine muli cena. Lesa tatalile ampanya i Chalichi Cakwe.

Ico bwino bwinofye eco baleesha ukucita pano. Kabili imwe mulole nokumona nomba nga cakutla ico tacili icalungama, ico cilemilangishafye ifyo akabungwe kaba akatipwa. Cena cali—cena cali iceni ku Chalichi icipya, i Chalichi i Cipyu ku Cipangano cipyu. Mwamona?

Lelo...iwe...Lelo iwe ici walicita, ukutila iwe wapata imicitile ya bena Nikolaito, iyo na Ine napata.

¹⁴⁶ U Mwangashi uwa cine wapatile imicitile iya bena Nikolaito, eico na Lesa nao pamo. Yali cinshi imicitile mu chalichi ca bena Efeso, mu chalichi ica bena Efeso, caishileba isambilisho mu chalichi ca Pergamo. Mu Efeso, ichalichi cakubalilapo, cali micitile, mu chalichi cakonkolepo caishileba isambilisho. Bushe mwaumfwa ico? Bushe kuti mwacikutuluka cena nomba? Cena cali micitile mu Efeso, kabili moneni, muno mu Pergamo cena caishileba isambilisho. Cena catampilefye pano mucinono mumibele yakanya. Nomba, munshita iinono twalasanga ifyo ico cali. Pano pali *imimbulu* yakwa Paulo, “imicitile ya bena Nikolaito.”

¹⁴⁷ Nomba cinshi...Lekeni tuputaule icebo nokwishiba ico tukwete ilyo tatulaya ukutali ukuli konse. Ishiwi *Nkolaito* cili icintu iceni kuli ine. Ine ninkwata ishiwi lyonse ilya ci Greek ilyo Ine—Ine ningasanga. Nikolaito lyafuma kwi shiwi *Nicko*, N-i-c-k-o. Loleleni, Ine nincetekela Nalilemba ico pano pene. N-i-c-k-o, *Nicko*, cilepilibula “ukucimfya nangu ukufumyapo.” *Niko-laito*, “ukufumyapo, nangu ukucimfya abantu ba kapepa.” Ico baleesha ukucita pano baleesha ukutwala ichalichi uko Lesa akwete bakakumba, kabili u Mupashi wakwa Lesa waleenda ukupitila mufya bupe mu Chalichi icakwa Lesa wa mweo, kabili, bena bakwete isambilisho ukutampa ukuti bena bali nokukwata bashimapepo bamo naba bishopo, naba papa, nefyaba ngefyo. Ukutila, Lesa atile, Ena alipatile! Ena ne leelo alicipata. *Niko-laito*, (*Nicko*, “ukucimfya”) nangu, “ukufumyapo bukapapa.” *Abantu* aba pepa “caba chalichi.” Nibanga abaishiba ukutila abantu abapepa e chalichi? Nacilungama, “Ukufumyapo nangu ukucimfya, nangu ukubula icifulo ca bantu abapepa.”

¹⁴⁸ Mu mashiwi yambi, ukufumyapo conse ica bumushilo, yonse amaka ukusuma mu chalichi, nokuyabika yena pali ba shimapepo; “Lekeni ulukuta lwikale mumusango lulefwailamo lwena ukuba, lelo shimapepo ewa mushilo umo.” Ukufumyapo Mupashi wa Mushilo ukufuma pa bantu nefishibilo nefisungusho ukubakonka bena, kabili ukufumyapo ico nokutwala kumbi kabili ukupela bena bushimapepo bwa mushilo. Ukufumyapo Mupashi wa Mushilo nokucinja Cena na bushimapepo. Mwamona ifyo cena cali? Cena cali i...Cena mukulekelesha caishileba...Muli *cino* ichalichi pano, cena cali micitile; kabili pali *ino* incende cena caishileba isambilisho; kabili Thyatira, ewaishilebapo. Kabili lintu Luther afumine, cena tacaiklele muli iyo nshila, cena cabwelelemo kunuma

nokuteka nakabili: ba bishopo, ba cardinal, ba archbishop. Abo mwisonde ebaba umutwe mu Chalichi cakwa Lesa lelo Ena Ena palwakwe? Ameni! Whew! Nomba Naumfwa uwabukapepa. Mupashi wa Mushilo Atuminwe ukutungulula i Chalichi; te kashimikila fye eka, ulukuta lonse! . . . nikashimikila fye ukuba uwa mushilo, cena, Chalichi conse ukukwata Mupashi wa Mushilo.

¹⁴⁹ Kabili mucifulo ca Ico, mucifulo cakukwata u Mupashi ukupanga ico, bena babula ka bisiketi akanono aka anguka naka bisiketi kabulamo shuka, nomwangashi umo, nokwita cena “Ulwamushilo *Lukalisitiya* ico icilepilibula ‘Mupashi wa Mushilo.’” Kuti caba shani bishiketi wabulamo shuka neciputulwa ca mwangashi ukuba umupashi? Nomba, nga cakutula—nga cakutula iyo e nshila, imwe mufwile mwabelenga Imilimo 2 kwati ifi: “Lintu ubushiku bwa Pentecosti bwaishile mukupwililika, kwaishile shimapepo waci Roma mu musebo, kabili ena atile ‘Fumyeni indimi shenu’ kabili ena abikilepo bishiketi uwa anguka, kabili anwine waini, atile, ‘Nomba iwe mwakwata Mupashi wa Mushilo.’” Nomba, nomba ifwe tuletontonkanya ico cintu cabipisha. Cena cili.

¹⁵⁰ Nomba natuyeko panshi; Ine nalashikwe mu chalichi ca Baptisti, lekeni tube ifwe nga ba Baptisti. Uh-huh. Hmm? Ba Methodist, cinshi ico twacitile? “Nga cakutula iwe walanda ukutula ‘Yesu Kristu Mwana wakwa Lesa,’ iwe naupusuka.” Ciwa nao alicetekela ukutula Ena Mwana wakwa Lesa, kabili cilatutuma pali kuli Ico; limbi calicetekela ukucila abengi ba membala bamu chalichi ifyo bacita. Ciwa acetekela icintu cimo cine kabili alatutuma, pantu ena alishiba ukutula alifwa.

¹⁵¹ Nomba ifwe tulecisendela mumibele yaba Methodist, bena—bena batila ukuti “Yohane tabatishe,” ukutula, “ena asanshilefye.” Atile, “Kwali bafulwe abengi abemba ifilindi mucalo, kabili—kabili na menshi ukulafuma mulya mwi mu ncende. Kabili akwete icipapa icitali nokufonkola icilindi cakwa fulwe.” Kabili bena icine cine bashimikila ico. “Kabili alikwata amenshi muli ifi ifipapa fyakwa fulwe, nangu ici icipapa icitali, ukufumya mucilindi cakwa fulwe, nokulasansa pa bantu.” Ifyabulamo amano! Oh, munyina!

¹⁵² Ukuba, pano ifwe twalabula ico, “Lintu ubushiku bwa Pentecosti bwaishile mukupwililika, bena bonse bali muncende imo, nokumfwana kumo. Kabili kakumba aishile nokushimikila isambilisho ilisuma, nokutula, ‘Mpeni ukuboko kwesenge ukwa wama, kabili ifwe twalalemba ishina lyobe mwibuuku.’” Ico tacileumfwika icalungama, bushe ico cili? Iwe limbi kuti wakwata ico. . . Iwe tekuti ukwate ico mukwishibikwa, bena balishibe icawapo ukucila ico. *Ubushiku bwakufyalwa ubwa Banamayo bakalamba Ukwishibikwa kwaliba ukwalungamapo ukucila ico ifyo cingaba.*

153 Ukuba, cinshi icalengele cilya, nomba? Abena Nikolaito baitelele ibumba lya bantu nokupilibula Amalemba, kabili nokupanga icilonganano ico ici shingaleka Lesa ukwenda muli cena. Cafwile palya pene! Nomba Ena alandile pano ukutila, “Imwe mwalifwa! Imwe malikwata ‘ishina’ ukutila muli no mweo, lelo imwe mwalifwa!” Imwe mwe bengi, mwalifwa, kabili tamwaishiba ico.

154 Ine na munyine twaleloba isabi, twali abalumendo abanono, pano pene. Kabili Nalobebe fulwe umukalamba uwalepanga icongo, kabili Naputwileko umutwe wakwe uku ufumyako; namufumise ku ndobani, nshalefwaya ukwangala nacilya icintu; kabili namuposele palulamba lwa mumana palya. Kabili umwaice wandi umulumendo aishile, kabili nokutila, “Cinshi ico waciloba akashita akanono akapitapo?”

Natile, “Ni fulwe.”

Ena atile, “Cinshi ico walacita na ena?”

Natile, “Kulya, ena eko alambalele, *palya*, no mutwe wakwe ulambalele *kulya*.”

Kabili ena aile kulya. Kabili atile, “Bushe nafwa?”

Natile, “Icine cine! Naciputulako umutwe wakwe ukuufunya kumubili wakwe, ena afwile nafwa.”

155 Eico nomba aimishe icimuti, nokwasha ukutila apose umutwe wakwa fulwe uku ubwesha mu mumana, kabili lintu... nangu mu munyangala. Kabili lintu acitile, ulya umukalamba fulwe acisumine cena. Imwe namwishiba, bena tabafwililika pali ora imo nangu babili. Atolweke ukubwelela kunuma, ena atile, “Imwe! Ine nacidontokanya ati wacitila ukuti, ‘Ena nafwa.’”

Natile, “Efyo ali.”

Ena atile, “Ukuba, ena tashibe ico. Iyo.”

156 Eico iyo ine e nshila abantu abengi babelamo: balifwa kabili tabaishiba ico! Ba Nikolaito! Oh, owe! Oh, Ena atile, “Iwe walipata ico.” Ukubula bonse abapwililika, bashimapepo abasuma aba mushilo, ba cardinal ba mushilo, ba bishopo wa mushilo.

157 Kabili naimwe bamo ba Pentecosti, “Umukalamba kacefya, lekeni ena ekile panshi. Kacefya mukalamba uwafyonse, ena kuti amyeba nga kuti mwakwata ukulongana kwabundapishi pano nangu iyo. Ha, ha.” Alleluya! Mupashi wa Mushilo Eumo eufwile alanda ico nangu iyo, i Cebo cakwa Lesa ica Muyayaya.

158 “Ukuba, Munyina Branham, twacetekela ukutila Baibele ilafundisha ‘ukubatisha mwi Shina lyakwa Yesu,’ lelo kacefya mukalamba atile nga cakutila ifwe twatampa ico mu chalichi cesu, ena kuti atatamfya ifwe bonse ukufuma.” Twalililenipo. Ico nacilungama. Ine kuti cawama natamfya ukufuma pano

ukucila ukutamfiwa Kulya. Eico, nga cakutila iwe wafumyapo icintu icili conse *pano*, iwe uli nokuya tamfiwa Kulya, muli uyo wine musango, eico imwe mufwile mwatamfiwiwa pano. Nga cakutila ena amitamfya ukufuma pano, imwe muli bakaya mingisha Kulya. Eico ico cilifye icintu cimo cine, eico ikaleni abalungama pamo na Cena.

¹⁵⁹ Ifwe tulefwaya ukuba abalungama. Oh, owe, cena cintu cakuposako amano, munyina. Ifwe tufwile twabika ici cintu bwino. Ifwe tatwakatale atukwata i Chalichi mpaka Lesa akabike umufula apakuci kula Cena. Ena takatale akula i Chalichi Cakwe pe bumba lyaba bulamo amano. Ena afwile aisa pa Cebo Cakwe nangu Ena tali nokwisa; bwino pa Cebo Cakwe.

¹⁶⁰ Umuntu umo, tapapitile inshita, kulya, atile, “Munyina Branham, ufwile waisa ku Chautauqua.” Nibanga abali ku Chautauqua? Mulandu nshi, imwe lolesheni fye kuno, abanono mu chalichi nangu abengi ebali ku Chautauqua. Ico . . . Nomba, ulya muntu aimine kulya muli cilya icungulo, kabili imwe bonse mwalimumfwile ena, ukwabula ukwishiba ukutula Ine ndi nokwishiba palwa ico. Lesa kuti asokolola mu muputule kulya ico balelandapo kulya kwine, kabili, imwe namwishiba, Ena acitile ico. Aishile kulya, atile, “Nomba, Munyina Branham, oh, ena mubomfi wakwa Shikulu. Lintu u Mupashi uli pali ena, ena ni kasesema uwasubwa, ena icine cine aleshiba, Lesa alemweba ena icilipo kabili icili nokubapo; lelo ukwishiba kwa mapepo kwakwe, tawfwile uku kutika kuli ico.”

¹⁶¹ We tontonkanyo we ilyafulungana! Ifyo umuntu kuti alanda ico! Mulandu nshi, Ine nshakwata . . . Ukuba, nga cakutila iwe tawashiba ifya kupatulula cilemba ukufuma ku kofi, iwe—iwe teti wishibe bwino ukufuma kuli ico. Kutu iwe watontnkanya shani icintu icaba ngefyo? Mulandu nshi? Umulandi, ishiwi line *kasesema* palwaliko lipilibula “kasokolola uwa Maka ayakalamba aya Cebo.” Kutu wacita shani . . . ? “I Cebo cakwa Shikulu caishile kuli kasesema.” Ine nshalandile ukutula Nine umo, bena abalandile ico. Lelo imwe mwaishiba. Mwamona?

¹⁶² Ifyo umuntu, enge katilila isambiliso ilinono ilya chalichi ku ncende kumo, pantu akabungwe kabo teti kasumineko kuli Cena, ukushitisha ububeli bwenu pa bwafya bwamusunga, Esau, iwe myalu myalu wabulanda! Ico nacilungama. Ukushitisha ukwa bubeli bwenu pamulandu wa bwafya bwa musunga, pa bwafya bwacilonganino, pabwafya bwakabungwe ico Lesa apata. Ibukisheni fye, mutila “akabungwe,” Lesa alipata ico! Cena e cintu ico icapatulwile ba munyina, kabili nokonaula . . . Kuli abengi ba Methodist, ba Baptist, naba Presbyteriani, munshita ino iyabushiku, abalefwaya ukukwata isenge pe tebulo lyakwa Lesa. Lelo nga cakutila bena bacita, bena bali nokutamfiwafye bwino mu muku wakubalilapo bena batampa ico. Ico nacilungama bwino bwino.

163 “Ba mayo bali muli cena,” kabili bena benschikulufye mukubalilapo. Oh, owe! Ine nshilesakamana ico ba mayo balimo, ba mayo baiklele mu Lubuuto lonse ulo bakwete mu bushiku bwabo, imwe naimwe muleikalila mu bushiku bumbi.

164 Sciensi umuku umo ashininkishe, pa myaka imyanda itatu iyapitapo mukushingulusha icapala umupila ukushinguluka icalo, atile, “Nga cakutula motoka kuti yabutuka pakubutuka ukwa bipa muli ba mailoshi akakumi yatatu muli ora imo, icakutinka kuti caimya yena ukuifumya pe sonde nokuitwala mulya mu lwelele.” Muletontonkanya sciensi ileelo yalicetekela ico? Bena balebutuka ba mailoshi imyanda ikumi napabula pali ora umo. Bena tabalolesha paco balandile, nokulolesha kunuma, ukumona ico benga mona mukulolesha kuntanshi.

165 Lelo ichalichi lyonse cifwaya ukulolesha kunuma, moneni ico Wesley alandile, moneni ico Moody alandile, moneni ico Sankey alandile. “Icintu conse kuti cacitwa kuli abo abacetekela,” lekeni tule lolesha kuntanshi! Icintu fye cimo muli Baibele kulolesha ku numa... Bushe namwishiba umusango wa nama iilolesha kunuma? Umweo washalikishako uwabapo. Nibanga abaishiba umweo washalikishako ulya uwenda? Icula. Icula e bumi bwashalikishako ubwabwapo, kabili umuntu ebumi ubwa pa muulu ubwabapo. Kabili cula alolesha kunuma. Ine nshatemwa ulya ubumi ubwashalikishako. Ine ndefwaya ukulolesha kuntanshi, ukucetekela, ukukwata isubilo, ukwenda mu Lubuuto ngefyo Ena aba u Lubuuto, ameni, kabili Ena aubengeshimya u Lubuuto.

166 Inshita imo mulya mu Kentucky Nakwete ukulongana, umuntu umukalamba aishile fuma, kabili atile, “Oh, Nshacetekela muli bulya ubundapishi.”

Kabili Naine natile, “Ukuba, cena nacilungama, iwe uli mwina America.”

Ena atile, “Ine—Ine nshacetekela icintu nangu cimo kano Nacimona cena.”

Kabili Natile, “Ukuba, cena nacilungama.”

Ena atile, “Nomba, Nshikwete icabipa nangu cimo ukulola kuli iwe, lelo Ine—Ine nshacetekela muco iwe ulelanda.”

Natile, “Cena ninsambu shobe ishabwina America, taufwile ukucita.”

Ena atile, “Nomba, Ine nshatala mpokelela nangu cimo kano Ine namona ico pabwelu.” Hmm!

Natile, “Ukuba, nomba Ine...ico—ico cisuma, iwe ufwile ukufuma ku Missouri.”

Natile, “Iyo, Ine ndi mwina Kentucky.” Whew!

“Tauleumfwika bwino nganshi ukuba umwina Kentucky,” Natile. “Lelo, nangu cibe ifyo,” Natile, “nga cakutula iwe...”

iyo e nshila iwe ule tontonkanishishamo, twalililapo.” Kabili ena atile—ena atile. . . Natile, “Nimu musango nshi uleilamo ku ng’anda?”

¹⁶⁷ Atile, “Ndeya ukupita pa lupili. Njikala kulya. . . Ukuba, ukuya kulya pamo na ine.” Uli muntu umusuma. Atile, “Ukuya ku ng’anda pamo na ine, ukwikala ubushiku bonse, Munyina Branham.”

Natile, “Kuti Nafwaya ukucita ico, munyina.” Lelo, Ine natile, “Ndeya palya pamo na yama wandi.” Kabili ena atile. . . Natile, “Ulefwaya ukwensha ukuya pa muulu?”

Natile, “Iyo, Ine mfwile naya pa muulu ukuya pa lupili palya, ukunina uku lubali, kabili nokwikila umwafonka, kabili ukunina,” iwe nawishiba ifyo caba kwena kulya.

Kabili Natile, “Ukuba,” Natile, “nimu musango nshi uli nokufikilamo kulya?”

Ena atile, “Ndeya ukupita mukashila kulya.”

“Mulandu nshi,” Natile, “iwe ulefilwa ukumona ukuboko kobe ukuli kuntanshi yobe.” Natile, “Musango nshi uli nokufikilamo kulya?”

Natile, “Ninkwata inyali!”

Kabili Natile, “Ukuba, nimu musango nshi iwe. . . Finshi ubomba, ulubuuto lulya inyali ipela kabili nombamba nokwenda pamo nalwena?”

Ena atile, “Ee, mukwai.”

Natile, “Lintu iwe waasha ilya inyali, bushe kuti waikatilila ukuimya pamuulu kwati *ifi*? Ine kuti nafwaya ukumona ing’anda yobe.”

Ena atile, “Iwe tekuti uimone.”

Natile, “Nombamba nimu musango nshi iwe uli nokufikilamo kulya?”

“Oh,” ena atile, “Ine ndeashafye inyali; kabili ilyo Ine nakulaenda, lwena. . . Ine kwendafye kwati lubuuto. . .”

Natile, “Ico efyo fye cifwile ukuba. Ameni, ukwendafye mu Lubuuto.”

¹⁶⁸ Twalililapo fye ukwenda! Taufwile ukwiminina shilili, iwe tawakatale aufika nangu kumo. Nga cakutula iwe mwalipusuka, wende ukufika ku kushilishiwa. Iwe watila, “Nimu musango nshi iwe winga fikilamo kulya?” Twalililapofye ukwenda. “Bushe ulubatiso lwa Mupashi wa Mushilo panuma ya kushishiwa? Nimu musango nshi Ine ninga kwatilamo cilya?” Kutwalililapofye ukwenda mu Lubuuto. “Bushe ifishibilo, ifipapwa, nefisungusho. . .?” Twalililapofye ukwenda mu Lubuuto. Mwamona? Twalililapofye! Inshita yonse ilyo wapanga ulutampulo u Lubuuto luli nokutoloka panonofye ukuya ku ntanshi yobe, pantu Ena lyonse aba kuntanshi yobe. Ena

tasunka, Ena alatangilila. Ena e Lubuuto. Oh, Ine ndi uwansansa pali ico. Bushe iwe teifyo? Ena e Lubuuto, muli Ena tamwaba imfifi.

¹⁶⁹ “Iwe wapata imicitile iyabena Nikolaito.” Ukusanguka isambilisho. Nomba natumone ico Paulo. . . Nomba, chalichi cakwa nani. . . Ninani uwasangile ici ichalichi nomba? ni Paulo, umwina Efeso.

¹⁷⁰ Lekeni nomba tubwelele ku Milimo ya Batumwa chapitala 20, pakashitafye akanono. Mu Milimo ya Batumwa chapitala 20, nokumona ico Paulo. . . Bushe iwe walicetekela ukutila Paulo ali ni kasesema? Icine cine, ena ali. Icine cine, ena ali. Ibukisheni bulya bushiku icimonwa pali bema wa mabimbi, kabili nefyaba ngefyo? Nomba, . . . nafyonse palwa cena. Nomba chapitala 20 iya Washila. . . iya Uku- . . . Imilimo ya Batumwa, kabili natutampile nomba pa—pa versi 27, kabili mukitike bwino bwino nomba iIyo tulebelenga. Nomba, uyu ni Paulo, kasesema, alesobela ico icili nokwisa fikilishiwa.

Pantu Ine nshabutuka ukulanda kuli imwe ukupanda kwa mano konse ukwakwa Lesa.

¹⁷¹ Ulya u muntu uwapalwa! Oh, Ine ndefwaya ukwiminina palya nokumona cilya icilongwe icaba mufwila kristu ukubikwa pa mutwe wakwe. Nga cakutila kwaliba icintu camusango ngefyo ngrfyo Ine ningalila, nomba Ine ndi nokulila. Ine ndi nokubilikisha, pakumona Paulo.

Ukumona u Washila Paulo, ulya umutumwa mukalamba,
No mwingila wakwe uwapangwa uwabeka kabili uusuma;
Kabili Ine ndi uwashininkisha kukaba bamo aba kalabilikisha
Lintu ifwe bonse tukafika kulya. (Bushe imwe teifyo?)

¹⁷² Nomba:

. . . Ine nshabutuka ukulanda kuli imwe . . . ukupanda kwa mano konse ukwakwa Lesa.

¹⁷³ Bushe ico nacilungama? Nomba, mwe bena Kristu, lolesheni uku lubali; ndefwaya ukumwipushapo icintu cimo. Ninani uyo uwaebele balya abantu aba batishiwe mu nshila imbi ukucila pe Shina lyakwa Yesu Kristu ukuti bengesa nokwisa batishiwa nakabili? [Ulukuta lwatila ni, “Paulo.”—Kale.] Ena ashimikile ukupanda kwa mano konse. Bushe ico nacilungama? Oh? Kabili cinshi ico Paulo alandile mu. . . Nincetekela cena cali. . . Ine nshili uwashininkisha nomba nga cakutila cena nimu bena Tesalonika chapitala 1 kabili na versi 8. “Nga cakutila ifwe nangu malaika ukufuma mu Muulu aisa shimikila imbili imbi, nga cakutila malaika aikila ukufuma ku Muulu no kushimikila imbila imbi ukucila pali iyi” (ukukana eba abantu

ukubatishiwa nakabili mwi Shina ilyakwa Yesu Kristu, kabili ne Mbila nsuma intu Paulo ashimikile). . . “Nga cakutula uuli onse malaika ukufuma Muulu” (te. . . nangu fye ni bishopo, nangu fye cardinal, nangu kacefya uwa fintu fyonse, nangu kakumba, nangu—nangu icintu cimo). . . “Nga cakutula malaika aikila ukufuma mu Muulu kabili no kushimikila imbila imbi ukucila pali iyi, lekeni ena atipwe.” Ico nacilungama. Bushe ico nacilungama? Ico ena alandile, ico nimuli bena Galatiya 1:8. Ine cacitike ukutula naletontokanya palwa ico. Nacilungama, abena Galatiya 1:8, nga cakutula imwe mulefwaya ukulemba ico, moneni ico Paulo alandile.

174 Nomba, pano ena atile. . . Nomba iya 27, Nincetekela ni versi 27:

Pantu Ine nshakana ukulanda kuli imwe . . . ukupanda kwa mano konse ukwakwa Lesa.

175 Nomba kutikeni kuli ici . . . Ici busesemo:

Cenjeleni eico kuli imwe mwebene, kabili nakumukuni onse, kulya . . . untu Mupashi wa Mushilo . . . amilenga imwe ukuba bakacefya, ukulisha ichalichi cakwa Lesa, ico ena ashita nomulopa wakwe umwine.

176 Ninani uwashitile? Mulopa wakwa nani ulya? Baibele yatila wena wali Mulopa wakwa Lesa. Lesa, no Mulopa Wakwe umwine. Bushe ico nacilungama?

. . . ukulisha ichalichi cakwa Lesa, ico ena ashita no mulopa wakwe umwine.

177 Baibele yatila ifwe twapusuka ukupitila mu Mulopa wakwa Lesa. Bushe mwalishiba ico? Icline cine, Wena ulacifa. Nacilungama:

. . . ico ashitile no mulopa wakwe umwine.

Pantu Ine naishiba ici, ukutula panuma yakufumapo kwandi imimbulu yakutakanya ikengila pa kati kenu, tashakalekeleko umukuni.

Pamo pene naimwe pa lweni . . . (Moneni, ulya muntu kuti alolesha panshi ukupitila muli cilya kabili amona nacilya icintu cileisa.) . . . imwe palweni mweka abantu bakema, ukulanda ifintu ifyabipa, ukutula baibulile abasambi umwabela bena.

178 [Pali tepu tapali amashiwi—Kale.] Imyaka iyakuntanshi nga fintu ena . . . Nangu ibumba lya bantu abo abafwaya ukupanga akabungwe nokufumyapo bu—bu mushilo na Mupashi wa Mushilo ukumufumya mu chalichi, kabili nokumubika pali ba bishopo naba papa naba shimapepo, uku. . . bena bali nokuba abamushilo, no lukuta ukwikalila mu nshila iili yonse bena—inshila bena balefwailamo. Kabili bena bakalalipila ba shimapepo kabili ena akalapepa ukufumya bena kumbo, kabili

nafyonse kwati ngefyo. Kabili cena bwina Nikolaito! Kabili Lesa atile, "Ine nalipata ico!" Nomba kutikeni.

"Lekeni imone, kabili imwe mutile, 'Lesa atile Ena ali pata ico'?"

179 Nomba lekeni tumone nga cakutila Ena alicitile:

Lelo ici iwe walicita, icakutila iwe wapata imicitile iya bena Nokolaito, iyo na Ine napata.

180 Bena apata akabungwe. Ico nacilungama? Nomba imwe mwalamona bwino bwino ico bena bali nokucita, imwe mwamona ico bena bacitile. Nomba moneni ukupita mu chalichi nga cakutila bena tabacita ico. Ena apata akabungwe!

Ena uyo uuli nokutwi, lekeni ena omfwe ico u Mupashi ulelanda kuma chalichi; . . .

181 Nomba, *imimbulu* yakwa Paulo yasangwike ukuba abena "Nokolaito." Bena baleesha ukupanga bushimapepo kwati nibushimapo bwa bena Levi, ubo ubwali ni bushimapepo ubweni kwi sambilisho lya Cipangano Cipyu. Amen! Ishiwi *Nicko*, ishiwi lya mucu Greeki *Nicko* cilepilibula "ukulwisha, ukucimfya." Ukucimfya cinshi? Bukapepa, Mupashi wa Mushilo. Ukufumya mu chalichi Shikulu Yesu uwabushiwa pamo nefishibilo nefisungusho pakati kabacetekela, nokubika abantu abasalwa ukuba papa, nangu bumubili. . . cardinal, nangula kacefya ukwisha ukufumyapo Mupashi wa Mushilo muli bukapepa kabili ukupela wena kumutande uwitwa umutande wa mushilo uwa bantu, nokubika bena *pali* bukapepa; tekubeta bena ba *kakumba* ico icilepilibula "bakacema," lelo *taata*; ico Yesu atile, "Taufwile ukwita umuntu 'taata' pali lino isonde." Moneni icintu ico icabipa? Kabili cinshi ico twacitile?

182 Oh, nga kuti twaleka. Ndekabila nga tatwakwete shonse ishi nshita sha bushiku ishakakwa ngefi, Ndefwaya ukusenda mailo ubushiku pa cipandwa ca 12 ica Kusokolola nokumilanga ulya umukote namayo cilende uwaikala palya, iule. Kabili ena . . . umulandu ena, pantu ena acitile ubulalalele . . . na Lesa, kabili aatile umwine mukamfwilwa, kabili pamo ali nyina waba cilende. Bushe ico nacilungama? Nomba, twalishiba ukutila ulya ali ni Rome, pantu ena alikele pa mpili cinelubali, kabili ifintu fyonse filya fine fye, umuntu muli ena kabili e mpendwa ya ciswango, kabili nafimbipo. Ifwe bonse twalishiba cilya ukufuma kumasambilisho, uyo untu ali. Lelo icabulanda kuli ico, ena ali nyina waba cilende. Apa ekutendeka kwakwe apa pene, atendekele mu Rome nge bumba lya bena Kristu, abaleitwa ukuba abena Kristu.

183 Umfweni! Lesa ngafwilisheni ukucilenga ukuba icituntulu! Ibumba lya bena Kristu mu chalichi ngefi. Baishileba abakukonka ifyatantikwa, kabili bacaibela, kabili bafumineko, kabili baishileipangila akabungwe. Elyo kabili ukwampanya cilya, mu Nkulo ya Mfifi, no buteko. Kabili ubuteko ne chalichi

fyaisaba cimo cinshi? Chalichi cabena Kristu, “chalichi ca Katolika” eflyo caleitwa, (Ishiwi *Katolika* lyaba, ishiwi lipilibula, “isonde lyonse”), “ichalichi cabena Kristu icesonde.” Kabili caitile abantu abalandile mu ndimi, no kubilikisha, nokundapa abalwele, kabili na fimbipo, “amashilu.” Kabili pakushalikisha baishile cipanga icaafya mpaka umutu onse uwaiketwe alepepa munshila iyo, bamuposele mwilinga lya nkalamo, nga bena tabapokelele bu Katolika. Cilya cali pali yonse iyi myaka imyanda kunuma kulya iya kupakaswa. Lelo cilya Chalichi tacatalile acifwa. Imwe tekuti mu Cipaye. Lesa atile Cena cili nokuba no mweo ukufika kumpela elyo kabili Ena ali noku Cipela icilongwe ca Mweo. Calisa ukupita muli shilya inkulo shakupakaswa.

¹⁸⁴ Nomba kwaishile Martin Luther ukutwalilila inkulo kabili aishile sunka ichalichi mwisamba lyakulungamikwa. Ni cinshi icacitike ilyo Luther afwile? Bena balcipangile akabungwe, bacipangile ukuba chalichi ca Lutherani; bena balikwata isambilisho. Ilyo bacipangile ukuba akabungwe, ni cinshi ico bacitile? Ukucipela ukufyalwa ukubwekela fye muli bu Roma nakabili. Ico cili icalungama bwino bwino.

¹⁸⁵ Nomba Mupashi wa Mushilo wa umine muli cilya kabili Wesley alicimwene Cena. Kabili Wesley, na Whitefield, na George Whitefield, nabengi balya bambi, na—na Asbury, kabili abengi muli bena bali ni bakapuputula abakalamba. Balipuswishe isonde muli bulya bushiku. Balikwete ukupuputulwa muli ilya Nkulo ya Filadelfia iya puswishe England, na United States pamo. Balikwete imisonkano uko batamfiwe no kwitwa “bakakunkuluka wa mushilo.” Imwe ba Methodist, mwalicitile cilya; baliwile panshi pesamba lya maka yakwa Lesa, kabili bena kuti babetila amenshi pamenso yabo nokubapupusha. Ico nacilungama. Kabili bena balisunkene namaka nganshi kuli cena, mpaka baishilekwata...mpaka batile “balikwete ukusunkana.” Kwaliko abantu abengasunkana no kusunkanya mumaka ya Mupashi wa Mushilo. Lilya lyashi ilyakale ilya ba Methodist. Ukufuma apo kwaishile ama Quaker nafimbipo; ukutila nomba balicipangile ukuba akabungwe.

¹⁸⁶ Bena bapangile *iyi* Methodist, Primitive Methodist, kabili *uyu* musango wa Methodist, kabili *ulya* musango wa Methodist, mpaka caba icapanshi nganshi mpaka abantu ba Methodist balefwaya ukusenda u “Mulopa” ukufuma mu ma buuku yabo aya nyimbo.

¹⁸⁷ Kuno inshita imbi iya bushiku, pa butantiko bwa citunshitunshi (Bamayo balinjitile.) balikwete kakumba wa Methodist, muno mwine mu Indiana, ukusambilisha rock na roll muchalichi. Atile, “Cansoni ukutila twalifililwe ukumona ici icakupanga icaisa muchalichi.”

188 Ulya ni ciwa muli kasesema uwabufi! Cisuma! Nshilefwaya ukucena imyumfwile yenu lelo, munyina, cilya Cine cakwa Lesa. Kuti namifulwisha panono muli iyi nshila nokumilenga ukubelenga Amalemba, limbi mwaba bwino na Lesa, ukucila ukuluba mpaka na pampela. Limbi teti mutemwe nomba, lelo ubushiku bumo mukankumbata, mukatila, “Munyina Branham, cilya Cishinka.” Ici cili apapene, nokuya muli cilya. Kulya eko bena. . .Cena cilifye kulya. Baibele itila bena bali nokucita cilya.

189 Nomba ukufuma kuli Wesley, nga Wesley alicitile cilya, nomba kwaishile ba Pentecosti. Kabili bena bakwete ukubwekeshapo kwa fyabupe, batendeke ukulandila mundimi, ulubatisho lwa Mupashi wa Mushilo.

190 Kwati luseke lwa mataba lufuma mumushili. Icakubalilapo, lulabola. Luleta tumabula tubili. Nomba lwena. . .Imwe mwalikwata ibala lya mataba, muletontokanya. Lilya ibula lilakula nokupanga umupupunga. Ici cakubalilapo, cali ni Lutherani. Umupupunga, cali nicinshi? Methodisti; ubuluba, ukutemwa aba bwananyina, ukubila imbilansuma, ubuluba ukuya kuli bambi.

191 Mulandu nshi, nangula icifyalilwa cilanda ishi nkulo sha machalichi. Methodisti ukufuma mu cimfulunganya. . .nangu, Ndepilibula, Lutherani ukwisa ukufuma mu cimfulumfulu. Methodisti ukulasunkanya icitemwiko caba munyina, nobushiku bwa kubila imbila nsuma, kabili u—kabili ubushiku bwa—bwa bu minshoni. Inshita iikalamba nganshi iyaba minshoni isonde lyatala alishiba cali ninshita ya ba Methodisti. Ico nacilungama. Ukupukunya ubuluba bwaciko.

192 Cinshi cacitike ukufuma mulya? Ukufuma muli bulyo buluba mwafumine uluseke lwe taba, ba Pentecosti. Ulubuto, kwatifye cimo cine icintu cailemo. Te bula, te mupupunga, lelo lubuto. Kabili nomba ba—ba Pentecosti balikwata ubowa ubwafimba uluseke lulya, mpaka lwa. . .teti umone bwino noluseke. Ni nshita iya kuciwamya! Ameni! Ni cinshi ico bacitile? Bacitile akabungwe mwibumba, atile, “Ifwe tuli ba Assemblies of God.” Umubiye, “Ifwe tuli ba Pentecostal Holiness.” Naumbi umo, “Ifwe tuli ba Oneness.” “Ifwe tuli ba Twoness.” Kabili—kabili kuliko abengi nganshi aba *ici*, kabili abengi nganshi muli bena. Owe! Nabanina ingamali yacifutu cimo, fitatu, ifintu fyonse. Oh, kuliko amakumi mutanda, nangu amakumi yatatu, nangu utubungwe utwapusana pusana amakumi yane utwa twena.

193 Ni cinshi ico bacitile? Baliciposele ukubwekela fye mu bwina Roma nakabili, ukubatishiwa mu lubatisho lwa Chalichi ca Chalichi yaci Roma. Ndeipusha Pentecosti onse ukunangisha apo umuntu uuli onse muli Baibele abatishiwe mwi shina lya “Taata, Mwana, na Mupashi wa Mushilo.” Ndeipusha bishopo

uuli onse, cardinal, kasambilisha uuli onse, ukunangisha apo catalile, citwa kunse machalichi ca Katolika. Kabili Luther aishile cileta pamo nankwe, aishileleta katikishimu nefintu fyonse ifyashala ukufuma muli cena. Methodisti atwalilile nacena. Ba Pentecosti, mulingile ukumfwa insoni! Iwamyeni! Bweleleni ku Cebo! Lapileni nga teifyo Lesa akasenda icakutekapo inyali ukufuma kuli imwe, u Lubuuto ulo mwakwata. Ameni! Cisuma.

¹⁹⁴ Ukusenda Mupashi wa Mushilo kunse nge Ntungulushi, no kubapela ubutantiko bwa mushilo ubwa baume, no kubabika pa lukuta. Kabili tamubeta “kakumba, bakacema,” (Tufwile ukubeta *bakakumba*, “bakacema,” eflyo ishiwi *kakumba* lipilibula.) lelo “taata, cardinal, archishopo, nangu kangalila umukalamba.” Balya abacine balipatile ici cintu! Kabili Lesa alibakwatile uluse, kabili atile, “Nalicipata, na ine!” Pantu Ena alingile ukuba kangalila umukalamba, archishopo, kabili papa. Ena abomba no muntu onse; te kabungwe, lelo umuntu.

¹⁹⁵ Nomba, iceni. . . Umfweni, ilyo tuleisa mukwisala. Tukwete fye versi naimbi.

¹⁹⁶ Pano ifwe natukwata icishilano cabu Katolika bakutendeka, ukupyana kwa batumwa. Ni banga abaishiba ico? Abatumwa. Nomba ba Katolika basoso kutila “Papa ileelo empyani yakwa Petro, ukupyana kwa batumwa.” Takwaba icintu camusango uyu. Bushe ifyabumubili, ukukabila kwakumana. . . Bushe caba shani kuli Esau na Yakobo bafyelwe kuli wishi na nyina abamushilo, kabili umo pali bena umwina Kristu kabili umbi umo ciwa? Uh-hum. Kuti caba shani? Pantu ulubembu lwaba lubembu, no bulalalale bulalalale, lelo Lesa alapela Ukufyalwa.

¹⁹⁷ Lesa atusala ukufuma kumufula wesonde. Bushe mwalishiba ico? Loleleni mpaka tukesefika pakubelenga aba bakalamba belyashi lyakale, kabili moneni ifyo Irenaeus. . . ifyo apela Lesa amalumbo pa kumusala ilyo mufula we sonde taulabako; ifyo ulya Martin Washila na bonse balya, uku Mupela amalumbo; Lesa, amalumbo. Atile, “Pantu. . .” Kabili abantu ukulanda pali ena, ukutula, “Ena asalilwe ilyo mufula we sonde taulabako.” Yalya Malembo. Balya ba munyina bali abantantikwa na Lesa. Lelo chalichi cakale icafita caishile ukupitila muli ilye myaka ikana limo ne myanda isano iya Nkulo sha Mfifi, yakoweshe conse icintu kwati niyali ilefuka icushi, lyaleka u Lubuuto ukushibantukila. “Lelo kukaba u Lubuuto munshita ya cungulo bushiku,” eflyo Shikulu alandile.

¹⁹⁸ Ukupyana kwa batumwa, umo ukukonka umubiye; papa umo, kabili ulingile ukuba mumulongo waba papa ilyo taulaba papa. Oh, owe, owe! Ifyo fintu fyabulamo amano. U—ulukuta. . . Te ba mushilo kabili abalungami, lelo i. . . lekeni ba. . . lekeni—lekeni bashimapepo bapepeleniko no kubafumya mu membu shabo, ukwelela imembu shabo, ukulipila indalama pakulapila.

199 Ba Protestanti bacita cimo cine! Balesha ukuba... bapampanta kakumba wabo panuma nokwikala nge sonde lyonse ilyashala. Kabili taishiba nangu cimo palwa kwa Lesa ukucila ifyo acita...alebaleka ukwikala muchalichi cakwe no kubeta ba membala ba chalichi cakwe, no kubaleka ukwikala mulya no kubeba ukutila balipusuka. Ifyo bakabelwa insoni pali bulya bushiku nga tabafyalwa cipya cipya! Ukwabula Mupashi wa Mushilo waliluba. Takuli umuntu uwingatila, “Yesu ni Kristu,” kano fye ku Mupashi wa Mushilo.

200 Chalichi ca cine ku Efese tacabepelwe kuli aba abaishibisha, ukulanda kwakubomfya amano. Ena...Bena balicipatile. Bena tababepelwe, bena balishibe; i Chalichi cacine tacacitile ifyo.

201 Ubusokololo ubwa bufi ubo aba bantu bakwete, abaleitwa abena Nikolaito, abo abashaikatene ne Cebo cakwa Lesa. Njebeni uko mwatalile monapo “shimapepo mukuyebelela” ukusambilishiwa muli Baibele umu. Nikwisa mwamonapo “ukwitila” kwafundwa muli Baibele iyi mukulekelwa imembu? Ni kwisa uko mwamonapo umuntu onse ukubatishiwa mwi shina lyakwa “Taata, Mwana, na Mupashi wa Mushilo” ku kulekelwa kwa membu shenu? Ni kwisa uko mwamwenepo ici, “Ukupela ukuboko kwa kulyo ukwesenge, nokubika ishina lyabo mwi buuku lya chalichi” mulya? Ni kwisa uko mwamwenepo fyonse ifi fintu? Cena ni cinshi? Cena ni bushimapepo nangu ba—bashimapepo abo abashalungama ne Cebo, kabili bena Nikolaito, kabili Lesa atile, “Nalibapata!” Bweleleni ku Cebo. Oh, cilya cili...Ninjishiba cilya cintu cakosa, ba munyina, lelo Nshi—Nshi—Nshili no mushingamo; kuli Yesu, ukuilishanya kuli Ena.

202 Ubusokololo ubwa bufi, te pamo ne Cebo, lelo, ukubeta “ababufi, abatumwa ababufi, bakasesema wabufi.” Lelo i Chalichi cacine calikatilile ku kusambilisha kwa pakutendeka ukwakwa Paulo Washila no lubatisho lwa Mupashi wa Mushilo, ne fishibilo ukukonka no kushininkisha i Cebo ico Paulo asambilishe. Ameni! Nangeni apo Lesa asuminishe icebo cakusansa amenshi. Nangieni apo Lesa atala ashininkisha, nokuleta ukulandila mundimi nefintu ifikalamba, pakuposhanya fye muminwe na kakumba pacifulo cimo nokubika ishina lyenu pebuuku; kabili bacili balesheta, balepepa fwaka, ukunwa, ukubepo bufi, amalila ya njuga, ukukwatako ukwangala panono, ukulaenda... Oh, uluse! Cilya buntunse, kasesema uwa bufi, we munandi. Ee, mukwai.

203 Inshila yakwa Lesa ya mushilo. Lakeni ici cishibwe kuli cila membala muno uwa Mubili wakwa Kristu: mpaka imwe mwikala ubumi bwa mushilo, Lesa alakana ilambo lyenu. Ilambo lilingile ukupelwa na maboko ya mushilo. Cilya cili...?...cisuma. Shimapepo mukalamba ilyo ena talaisamo ukupela ilambo, ena alingile ukuba uwa mushilo, no kushishiwa, no kusubwa, no kwipifiwa, nefintu fyonse, ilyo

talati ende mukubapo kwakwa Lesa mukupela ilambo. Bushe ico nacilungama? Kanshi kuti mwaya shani kunse uku nokubepa, nokwiba, nokutalikishanya, nokulwa na benamupalamano benu, kabili na fyonse ifyashala, no kutwalilila umusango mucitilamo, kabili elyo mwaisa nokutila, “O Shikulu Lesa! Yesu Alumbanishiwe! Alleluya!”?

²⁰⁴ Abantu batila, “Nalibamona ukulandila mu ndimi.” Ico nalyo line tacilepilibula ukutila balikwata Mupashi wa Mushilo. “Ndabomfwa balebilikisha.” Cilya nalyo line tacilepilibula ukutila balikwata Mupashi wa Mushilo. Mupashi wa Mushilo e mweo.

²⁰⁵ Baibele itila, “Imfula ilokela pe sonde lyonse, ukulipekanya, ukulifwika kumulandu lyena lyapekanishiwa,” (Aba Hebere 6) “lelo imyunga na bacilasa ifyo ifili mupepi no kukanwa, ifyo impela yafiko kocewa.”

²⁰⁶ “Akasuba kabalikila pa balungami na bashalungama. Imfula ilokela pa balungama na bashalungama.” Imfula isa mukupanga icisabo ca ngano (efyo twalacita), kabili necani conse ico cili mwibala. Nge cilaka ca ngano, lyena ne cilaka camankumba. Kabili imfula imo ine itapilisha ingano, itapilisha i—itapilisha namankumba pamo. Aka ngano akanono aka kale kakemya umutwe wakako nokubilikisha ukutila, “Shikulu Alumbanishiwe! Alleluya! Alleluya! Ndi uwansansa sana pakukwata iyi mfula!” Icani icinono icakale cili nokubilikisha, “Ubukata kuli Lesa! Lesa Alumbanishiwe! Alleluya! Ndi uwansansa pakucikwata.”

²⁰⁷ “Lelo kufisabo fyabo eko mukabeshibila.” Ico nacilungama. “Ku fisabo fyabo eko mukabeshibila.”

²⁰⁸ Versi ya 7, kabili ninshi twaisala, iyi eyakushalikisha pankulo ya machalichi. Nomba calatusendela nalimo amaminiti yasano ayapitapo, nangu ikumi, pali miniti fye.

Uyo u uukwete ukutwi, omfwe ico Mupashi ulesosa ku nkuta; Kuli uyo uukacimfya Nkamu pela ukulyako umuti wa mweo, uuli mukati ka paradise wakwa Lesa.

²⁰⁹ Nomba lolesheni, mwe banandi, uyu e musango mwacimfishamo. Intanshi mulingile ukucimfya, lyena kuti mwalya icisabo. Cena ni kacimfya. Muleibukisha inshita imbi iya bushiku, ukusambilisha kwesu mailo ubushiku? Yohane alingile ukwingila mu Mupashi ilyo talamona icintu icili conse. Kabili nefyo imwe mucipampamika, nokutila, “Nga te Babtisti, Nshaumfwe kuli ena?” “Nga te Presbyteriani, Nshaumfwe kuli ena.” “Nga ena tasambilisha filya fine fye ifyo chalichi candi cisambilisha, Ine. . .” Imwe—imwe—imwe tamwakacimfye, imwe tamulaingila mu Mupashi na nomba. Imwe bonse muli kunse ka butantiko.

²¹⁰ Ingileni mu Mupashi, tielni, “Shikulu Yesu, Nali Mutemwa, nomba sokololeni kuli ine icintu icili conse ico Mulemona

cilingile, leteni fye cena kuli ine.” Lyena ninshi imwe muli—lyena imwe muleisa fye bwino. Ico nacilungama.

²¹¹ Moneni, imiku itatu Baibele ilanda pa—pa Cimuti ca Mweo mu Kutendeka, imiku itatu mwi Buuku lya Kusokolola. Ubushiku bumbi twakwete cilya. Ibukisheni? Pa Mulungu, mailo. Kano fye...Kasebanya alipata Ilembo ilili lyonse ilinono ilyabako, lelo alipata, ukubipishapo, Ukutendeka no Kusokolola. Alwishishe Ukutendeka kumulandu nabucishinka ca cena, pantu adefwaya ukulenga abantu ukucetekela ukutula Tacali ifyo; “Ukutendeka takwaishele mumusango uo Lesa asosele ukutula balicitile, balikwete icintu cimbi icalengele ukukulengwa ne cintu.” Lyena ena ala Cilwisha muli ulya musango. Kabili ena alasenda abantu ukubatalusha ukufuma ku Kusokolola pantu Kwena kulasokolola: Yesu ukuba Lesa, kabili ena ukuba ciwa (kabili ena wakonaulwa), kabili ubukata ubwa Chalichi casangululwa ukuya kumwesu kuli Lesa, kabili nokonaulwa kwakwa kasesema wabufi, kabili bonse ababepa nokucita fyonse bakaposwa muli bembwa wa mulilo. Emulandu wine abatalusha ukufuma kuli Cena. Lelo, ibukisheni, incende shonse shibili shilanda pa Cimuti ca Mweo mu Paradise.

²¹² Nomba lekeni tubule ici pali miniti fye, kabili nomba “Icimuti.” Yohane Washila icipandwa ca 6, nga mulefwaya ukucilemba, Yesu atile, “Nine u—u—u Mukate wa Mweo.” Nomba, ibukisheni.

²¹³ Nomba twalabomfya ifi fiputulwa fibili nge cilangililo pano. Eico, ilyo tatulaisala, nomba. Nomba, ku kuboko kwandi ukwa kukulyo kuli Cimuti mwibala ica “Mweo,” kukuboko kwandi ukwa kukuso kuli icimuti mwibala ico ciitwa icimuti ca “kwishiba.” Nibanga baishiba ukutula Baibele yatila kwaliba Icimuti ca Mweo kabili ne cimuti ca kwishiba? Nomba, umuntu ali nokwikalila ku Cimuti ca Mweo, tekukumyako ku cimuti cakwishiba. Bushe ico nacilungama? Kabili umuku wakubalilapo aiketeko, aipatwile umwine ukufuma kuli Kabumba wakwe. Alilufishe ilyakwe—isenge lyakwe na Lesa ilyo asendele ukusuma kwakwa ukwa ntanishi ukwawishiba. Nomba, tontonkanyeni namaka nomba. Kabili imwe mulelemba ifilembelwe fyenu, Nalapela inshita pakutula mwingafyumfwa, pantu Nshilefwaya imwe ukupusa ici.

²¹⁴ Yesu, muli Yohane Washila 6. Bena balenwa ukufuma kukafukauka, nokuposa amaboko yabo mumulu nokubikapo ifyakupumya, ukutula, bashibo banwine ukufuma ku Cilibwe cabumupashi, kabili nafimbipo. Atile, “Nine cilya Cilibwe icali mu matololo.”

²¹⁵ Kabili batile, “Pano ulesoso kutila iwe ‘wali cibe Abrahamu talabako,’ kabili uli umuntu ushicilile pa myaka ya kufyalwa amakumi yasano. Kabili ulesosa ukutula iwe ‘walimwene

Abrahamu? Twalishiba ico nomba, ukutila, iwe walipena, iwe uli ciwa.” Mwamona?

216 Atile, “Ilyo Abrahamu talati abe, NABA.” NABA ali mucimpusa na Mose; icimpusa icalepya, NABA. “Ilyo Abrahamu talati abe, NABA”; te “Nali.”

217 Nomba, imwe mwe bantu abasosa ukutila inshiku shafisungusho shalipita, imwe mulingile ukulenga lilye Lembo ukusosa, “Nali umukalamba Nali.” Mwamona?

218 Te “Nali,” nangu “NKABA”; “NABA,” ilya e nshita fye yonse. Ena wa Muyayaya. Ishiwi “NABA” lya Muyayaya, inkulo shabo yonse, inshita yonse, mufya kutekapo inyali ifya golde fyonse cinelubali, chalichi conse, incende yonse, umutima onse. “NABA,” (te “Nali” nagu “Nkaba”) “Ndifye ino ine nshita ngefyo lyonse Nali.” Mwamona? “Lyonse, NABA.”

219 Batile, “Bashifwe. . . Ifwe tatwakhishiba. Twalishiba niwe ciwa.” Atile, “Bashifwe balile mana mumatololo panshita yamyaka amakumi yane.”

220 Kabili Yesu atile, “Kabili bena bonse balifwa.” Ico nacilungama? “Bena bonse balifwa. Lelo Ine. . .” Oh! “Ndi Mukate wa Mweo uyo wafuma kuli Lesa ukufuma ku Muulu. Nga. . . U Mukate wa Mweo. Ngo muntu alya uyu Mukate takatale akufwa.”

221 “Bushe uyu muntu akapela umubili wakwe, ukulya?” batile, “Nomba ena alipena, mucine nganshi.”

222 U Mukate wa Mweo waali ukufuma ku Cimuti ca Mweo, uko bena balelya, ukufuma mwibala lya Edeni. Ena ali Icimuti ca Mweo. Nomba, nge Cimuti ca Mweo cali Muntu, lyena icimuti ca kwishiba cali muntu. Nomba ntile insoka tayakwete ubufyashi! Ngo Mweo waishile no Mwaume, imfwa yaishile no mwanakashi. Cisuma, ena ali cimuti camfwa.

223 Lilya linefye uyu—uyu umo amukowesha, ico acitile (insoka), atile, “Insoka yambebeleke.” Ico nacilungama. Te nsoka; ena ali nincenjeshi iyacilamo pafya mweo fyonse, ena ali pakati ka soko muntu no muntu. Ulubuto lwanama teti lusakane nomwanakashi, teti lucite ico; lelo uyu mwaume ali, ali icakulundanya kuli ico. Kabili Lesa abikile icitipu pali ena Amubikile panshi pa lufumo lwakwe, kabili ukwabula amolu, nokufumyamo ifupa lyonse muli ena nokumupilibula ukufumya kucintu conse icapala umuntu. Sciensi ilesa ukucimba mumabala. Ico califiswa munkama shakwa Lesa, mukati ka Paradise wakwa Lesa. Apa epali ubusokololo bwenu.

224 Afyele umwana wakwe uwakubalilapo uwali ni Kaini (Bushe ico nacilungama?), umwana wakwa Satana, umwana wakwa Satana. Nga bena tabacitile, ni kwisa uko cilya—ni kwisa uko uyo mubifi afumine? Ukufuma kuli Adamu uyo wali umwana

wakwa Lesa? Afumine ku ciwa, wishi. Kabili alipeye; icipondo ica ntanshi cali ni ciwa, umwana wakwa ciwa.

225 Moneni icacitike panuma ya cilya, moneni icitoto cakwa Kaini. Ukuya fye ukupita muli ilya nkulo iyo ya konkelepo, panuma yakwa Kaini, cali ni sciensi yonse na bantu abakalamba. Belengeni Baibele. Bena bakulile amayanda, bena babombele pamo nefyela, kabili bena bali inceshi sha sciensi. Lelo cila umo uwafumine kuli Sete, (Uo Abele afwile, icipasho cakwa Yesu, alifwile; kabili Abele afwile, na Sete asendele icifulo cakwe: ukufwa, ukushikwa, kabili ukututubuka). . . ukufuma kuli ena kwafuma abalimi abacefya, bakacema bampaanga, baisesa ukufuma muli ico.

226 Nomba Yesu atile, “Bashinwe balile mana mu matololo kabili bena bonse balifwa. Lelo Ndi ulyo Mukate wa Mweo,” (Umukate wa Mweo Nshi? Ukufuma ku Edeni!) “ukuti umuntu kuti alya ulya Mukate kabili teti afwe.” Nomba, Lesa abikile Malaika ukushinguluka cilye Cimuti ca Mweo, ukuicingilila icakutula takwali nangu umo uwinga kumyako, epali balya cilye Cimuti no kwikala umuyayaya. Bushe ico nacilungama?

227 Pantu, bena bali nokutwalilila pali ici cimuti nokufwa. Bushe ico nacilungama? Pantu, ilyo lyonse ilyo balelya kuli cena, balifwile. Kabili ukuba fye uwashininkisha ngefyo mulefwa pantu mwalya ukufuma muli cilye cimuti cakwishiba . . . Nomba, lekeni tuloleshe pali cilye cimuti cakwishiba nomba. Lolesheni ifyo cena cacita. Nomba lekeni tumone ifyo cena cacita. Icintu ca ntanshi, katumone, cena . . . Cisuma, katumone imo iyo bena . . . capangile impolopolo. Ilepaya bacibusu besu. Ico nacilungama, ukwipayana umo no mubiye nempolopolo, ukufuma ku cimuti ca kwishiba. Icintu cimbi ico twacita, owe, lekeni tumone, ifwe—ifwe twalipanga motoka, ukufuma pali cilye cimuti cakwishiba. Ilepaya ukucila impolopolo efyo cila. Oh, ee! Nomba, twalikwata ibomba lya hydrogeni. Lesa tonaula nangu cimo, umuntu alayonaula umwine ku kwishiba kwakwe.

228 Lelo fyonse filya fyaba kuli Lesa, Lesa ali no kucimya nakabili; Lesa talufyapo nangu cimo. Yesu efyo asosele, ico nacilungama, “Uyo ulya uyu Mukate nakwata u Mweo wa Muyayaya, kabili Nkamwimya nakabili pa bushiku bwakulekelesha.” Bulya bulayo Bwakwe. Nomba, Lesa . . .

229 Bena baba kuntanshi nganshi, ukulya pa cimuti cakwishiba kabili balefwa. Lelo lilya line fye ilyo benga fika kuli ici Cimuti, bena kuti baikala umuyayaya.

230 Eico nomba mucifulo cakwa Malaika kunse kulya ukubatalusha ukufuma kuli ici Cimuti, cena cili kunse kulya ukubatwala *kuli* ici Cimuti; ba malaika ba nkuta, inkuta cinelubali, ukubabwesha kwi Shina lyakwa Yesu Kristu uyo waba Iciimuti ca Mweo ico caiminina mu Paradise wakwa Lesa. Whew! Owe! Ndesubila muleumfwa ico. I Cimuti ca

Mweo ukwiminina mu Paradise wakwa Lesa pakutila imwe mwingakumako kuli Ena nokuba umwana mwaume nomwana mwanakashi wakwa Lesa nokwikala umuyayaya. “Uyo umfwa Ifyebo Fyandi nokucetekela muli Ena uyo wa Ntumine nakwata u Mweo wa Muyayaya, kabili takese mubupingushi lelo nafuma mumfwa aingila mu Mweo.”

²³¹ Muniyina, nkashi, nomba Ndi...Ine...Mucine, Ninkwata...Ni—Ninkuputula, ukumulenga ukumfwa ububi. Nsha—Nshacipilibula ukucicita muli ulya musango. Mwamona? Lesa alishiba cilya, lelo Ningile ukucicita muli uyu musango ukuleka imwe ukumona apo tubelele. Nshilecetekela ukuti natukwata inshita iitali sana ukwikala. Nshilesha ukukana mimona nga abena kristu pantu mwafuma mukabungwe. Ico teco. Abanatu baba ninkupilwa kumo kuficitika. Bena tabeshiba ifyakucita; fyonse abafyashi babo lyonse balacita caba ukuyampanya ku chalichi ne fintu.

²³² Lelo, muniyina, icintu cimo ilyo tatulaya, lekeni ine nkwate uku kubelenga ukwambula nakumbi. Kasesema atile...Bushe walicetekela bakasesema? Baibele ilanda pakukumfwa kuli bena. Kasesema atile, “Kukesaisa inshita ilyo tapakabe akasuba nangu ubushiku, lelo bukaba ubushiku bwabipa. Lelo munshita yacungulo bushiku, lintu fye akasuba takalaingila, cikaba u Lubuuto.” Bushe ico nacilungama?

²³³ Nomba lolesheni ifyo twakwata. Nomba, lekeni tuloleshe fye. Inga akasuba...Inga akasuba katula, mucifulo? Ku kabanga. Bushe ico nacilungama? Kena kawila ku masamba. Nakabile ukutila Ine...Nkasenda mapu mailo ubushiku no kumulangisha. Ilyo Mupashi wa Mushilo wawile mu Yerusalemu, Wena wapangile icipasho icapwililika icampendwa cinekonse konse, Munshila wapitile. Waile mukutonta kumulu ku Ireland, ukubwela kunuma nakabili, ukutoloka, nokwisa ku West Coast, nokuwila kunuma nakabili; icipasho icapwililika icampendwa cine konse konse uko i Mbila nsuma yaenda. Nomba, ukutumpuluka kwayenda pamo nakasuba. Nibanga abaishiba ico? Imwe mwalisambilishiwa cilya nokucishiba. Ukutumpuluka kwa kale na kale twakwata ni China, kabili ukufuma uko kwaisa kuli bamwenye bakumasamba. Kabili Mupashi wa Mushilo, te k-a-s-u-b-b-a, lelo M-w-a-n-a... .

²³⁴ Ilyo akasuba, a-k-a-s-u-b-a, katampa ukusanika ukupita mucushi na fube fube mubushiku, te mulandu uko ulubuto luli, luli nokuba nomweo; pantu umweo onse uwa filimwa bwikalila akasuba. Twalishiba ico. Kuti mwaitila indaka pamulu waciputulwa cafyani, mukutula kwamabula ukuli nokukonkapo, apali ulunkoto lwatikama nipesa? Kulya kwine fye kumpela ya konkili. Mulandu nshi? Ni ulyo mweo pesamba kulya, tekuti ufise umweo wacine. Uyo mweo unono, ilyofye waishiba ukutila akasuba kalesanika kulya, luli nokuipomba ukufika ukulepa wacikulwa camayanda ayengi mumusumba,

ukupita panshi yaiyo konkili mpaka lyafumya umutwe pamulufye nokutampa ukulumbanya Lesa.

²³⁵ Teti mufise u Mweo. Ico nacilungama, UMWEO. Ilyo imwe mwafyalwa cipya cipya imwe tekuti mu Cifise. Icintu cimo cilingile ukubilikisha ilyo mwakwata u Mweo.

²³⁶ Nomba, ifintu fyonse ifyafwa nomba, nembuto shin—shinono shilalepuka, umuto wafumina kunse, kabili lwenan alufwa, lelo umweo ucili mulya. Nomba, ilyo akasuba katendeka ukubalika mu lusuba, amaluba ayanono yali nokufuma, kabili fyonse fili nokufumya umutwe waciko nakabili (ukufuma mumpanda, ukufuma mumilando, ukufuma mwisamba yamabwe), luli nokubuuka nakabili, nokuba nomweo nakabili. Bushe ico nacilungama? Pantu a-k-a-s-u-b-a kalesanika.

²³⁷ Nomba, ubushiku bumo u M-w-a-n-a akabalika, uyo Kalenga wa Mweo wa Muyayaya, kabili na fyonse ifyo fyapelwa ubumi kuli Ena ku Mweo wa Muyayaya, Atile, “Nkafimya mu bushiku bwakulekelesha.” Mulemona ico Ndepilibula? Umweo wa Muyayaya ukesabushiwa munshiku sha kulekelesha. Nga bakushika mumumana, nangu baoca umubili obe nokuiposa kumyela ine iysonde, Lesa akaubusha mu bushiku bwa kulekelesha. Nga muli nokwisusha ifumo lya nkalamo iya nsala, nangu—nangu ukuya mumiganda yamulilo iyisenda yonse ilya—ilya—ilya ikumi limo namutanda nolubuuto lwa mulwelele kabili nefintu fyonse ukufuma muli iwe, Lesa ali nokukubusha. “Ilya ine imishishi yakumutwe obe yalipendwa.” Ameni! Lesa ali nokuibusha!

²³⁸ Nomba, lolesheni pano. Nomba, ngo muntu onse afwa ku mwanakashi, ninshi cila muntu ekalila ku Mwaume. Ulyako ku umwanakashi muli ulyo musango wa mweo, namwishiba ukutila muli nokufwa. Takwaba inshila yakuleuka cena, muli nokufwa. Kabili ngefyo mucine mulesenda Cilya, imwe muli nokuba nomweo; takwaba inshila yakufuminamo muli cena, imwe mulingile ukuba nomweo. Ameni! Nga ico cilaleta imfwa iintuntulu, Ici cilaleta u Mweo uutuntulu. Ulya e musango fye weka imwe mwingapokelelamo cena, caba ukukwata u Mweo.

²³⁹ Nomba, kasesema atile, ukuti, “Cikaba u Llubuuto munshita ya cungulo bushiku.” Nomba lolesheni. Atile kukaba ubushiku bumo ubo bukaba ubwafitulukila, bwena tabwaketwe akasuba nangu inshita ya bushiku. Cili kwati kuli amakumbi, ubushiku ubwa fubefube, ubushiku bwatalala, lelo nomba u Mwana alepela u Lubuuto. Ukuya pa mulu wa ulya fubefube namakumbi kabili nafimbipo, Umwana alepela u Lubuuto. Cilapela u Lubuuto ulwalinga kuti mwaenda, kabili kuti mwamona ifya kwingilamo, kabili nafimbipo, lelo nomba cena—cena tacaba icabuta, ubushiku ubwawama. Mwamona? Nomba, takuli nangu cimo icingekala muli bulya bushiku.

²⁴⁰ Nga kuti mwabyala icili conse pesamba apo akasuba takacuma cena, cilepelebela. Bushe ico tacilungeme? Imwe mwe balimi mwalishiba cilya. Biken i amataba mulya mu kantelelwe nangu pa cifulo cimo, moneni, kena kalecilenga ukutola. Fred, iwe ulingile ukwishiba cilya ku ngano yobe. Nga waibika kunse kulya, kabili nga mwalikwete ulusuba ulubi, oh, ukwatalala kabili ukwamfula, cilalenga cena ukutola.

²⁴¹ Ukuba, bulya ebwaba ubwafya ne chalichi ukupita mulishi nkulo, balicilenga ukutola. Lwena lwalilengwa ukutola ku filonganino, “Bikeni ishina lyenu pe buuku. Ifwe twalikwete u Lubuuto ulwalinga ukutulenga ukwishiba ukutula kwaliba Lesa.” Ndi uwansansa pali ico. “Twalikwete u Lubuuto ulwalinga ukwishiba ukutula kwaliba Kristu, kuliko ubupingushi ubuleisa. Twalikwete u Lubuuto; eico twalibika amashina yesu mumabuuku, twaliposhanya muminwe na kakumba, nafimbipo, nokucita cilya.” Cisuma, lelo nombamba yena ninshita ya cungulo bushiku.

²⁴² Nombamba, ubuyantanshi bwaishile ukufuma ku kabanga ukuya ku masamba, kabili nombamba ifwe tuli ku West Coast. Ifwe tekuti tuye pantanshi; ifwe tulaciluka, ifwe tulabwelelamo ku Kabanga nakabili. Ifwe tekuti tuye pantanshi, ifwe tuli ku West Coast.

²⁴³ Nombamba, Baibele itila, “Mu nshita ya Cungulo bushiku u Lubuuto lwali nokwisa.” Nombamba, kasuba ka musango shani akabalika mu nshita ya cungulo bushiku? Bushe kasuba akaibela ukufuma katula mu lucelo? Cena kasuba kamo kene. Bushe ico cishinka? Ukuba, kanshi, nicinshi ico Lesa alaile? Nombamba twalalisa kuli ici, tukwate, apa pene fye pali *ino* nshita. Baibele efyo yasosa, Nalashininkisha cena, iyi nkulo yamachalichi, ilyo tuleya pantanshi, ukutula, “Mu nshita ya cungulo bushiku kukaba u Lubuuto ukupatukana ku Masamba ulwalinga bwekesha Akasuba ka Bulungami nakabili nokundapa mu mapindo Yakwe. Kabili ifishibilo fimo fine ne fipapusho fimo fine ifyo fya citilwe kunuma kuno ku Kabanga fikacitwa kuno lubali ku Masamba, no kupongolola nakumbi ukwa Mupashi wa Mushilo mu bushiku bwa kulekelesha.”

Cikaba u Lubuuto mu nshita ya cungulo bushiku,

Inshila ya ku Bukata cine mukaisanga;

Muli ilya nshila ya menshi, Cena Lubuuto ilelo,

Ukushikwa mwi Shina ilyawama ilyakwa

Yesu.

Abaice na bakalamba, lapileni ku lubembu

lwenu lonse,

Mupashi wa Mushilo mucine akesa;

U Lubuuto lwa cungulo bushiku lwaisa,

Cena cishinka ukutula Lesa na Kristu baba

Umo.

Oh cikaba u Lubuuto mu nshita ya cungulo
 bushiku,
 Ilye nshila ku Bukata mucine mukaisanga;
 Muli iyi nshila ya menshi muli ulu Lubuuto
 ileelo,
 Ukushikwa mwi Shina ilyawama ilyakwa
 Yesu.
 Abaice na bakalamba, lapileni ku lubembu
 lwenu lonse,
 Mupashi wa Mushilo mucine akesa;
 Lulya Lubuuto lwa cungulo bushiku lwaisa,

244 Icintu cimo cine ico Petro asosele, “Lekeni cishibikwe kuli imwe, ukutula Lesa napanga uyu wine Yesu, uo imwe mwatanike, ukuba fyonse fibili Shikulu na Kristu. Lapileni, cila umu muli imwe” atile, “no kubatishiwa mwi Shina lyakwa Yesu Kristu ku kulekelelwa kwa membu shenu.”

245 Lekeni mwebe icintu cimo. Ngefyo Nalelanda ubushiku bumbi pa *bulondoloshi bwakwa doctor*. Abantu tabafwaya ukusenda ubulondoloshi bwakwa dokota. Nga ena nakwata u—umuti uyo uli nokundapa ubulwele bwenu, kabili imwe mwafilwa. . . imwe mwakana uku usenda, te mulandu wakwa dokota nga mwafwa. Iyo, mukwai. Mulandu wenu, pantu mwalikana uku usenda.

246 Kabili nomba, nga dokota alemba ubulondoloshi kabili ena. . . kabili imwe sendeni bulyo bulondoloshi ku upela umuti, kabili ena alabika icintu cimo mulya ico cishalingile ukuba mulya, cena cikamwipaya, na imwe. Bushe ico nacilungama? Dokota alibelenga ico mpaka aishiba ukutula kuli ilya mufyalondololwa ifili nisumu, ukwipaya uto utushishi utwaba mumubili obe; kabili icakwipaya sumu muli cena ukulesha sumu icakuti taikwipeye. Kabili fifwile ukuba ifyalingana. Nga wabikamo umuti wakwipaya sumu uwingi, taca afwe umulwele; nga wabikamo sumu iingi, ili nokumwipaya. Fifwile fyalingana.

247 Iipusho lyali, “Bushe takwaba balimu mu Gilead? Bushe takwaba shing’anga kulya?” efyo asosele kasesema. “Kanshi cinshi ubulwele bwa mwana Wandu umwanakashi ta bundepwe.” Cinshi cilubene nechalichi? Mulandu nshi tukwatile amachalichi ayengi ayakale ayalwele? Pantu twalikwata bakapela wa muti ababufi balepela Ubulondoloshi bwalubana. Ico nacilungama. Tatalile atila, “Taata, Mwana, Mupashi wa Mushilo.” Ena . . .

248 Cinshi ico Ubulondoloshi bwa sosele? Uyu pano Petro. Nibanga abaishiba ukutula alikwete imfungulo sha ku Bufumu? Yesu efyo asosele. Nicinshi ico Ena engasosa? Mu mashiwi yambi, ena nakwata icilembelo ica Kulondolola.

249 Iyo baumfwile ii fyabilikishiwa kunko, (Balebilikisha, ukupunda, ukulanda mundimi, kabili pakukwata inshita ya

musango ifi.) kabili batile, “Aba bantu nabekuta umwangashi upya.”

²⁵⁰ Petro atile, “Aba tabeswilemo umwangashi upya, ngefyo muletontonkanya, ukumona niora ya citatu iyakasuba. Lelo ici ecilya casosele kasesema Yoele, ‘Cikesa fikilishiwa mu bushiku bwa kulekelesha,’ efyo asosa Lesa, ‘Nkapingolwela u Mupashi Wandu pa bantunse bonse. Abana benu abaume na bana benu abanakashi bakasesema, kabili napa basha bandi abaume napali bacishiko benu epo Nkapingolwela u Mupashi Wandu, kabili bakasesema. Kabili Nkalingisha ifishibilo mu myulu pa mulu, kabili mwisonde; umulilo, ne cushi, no cushi camenshi. Kabili cikafikilishiwa ukutila uyo onse aketa pe Shina lyakwa Shikulu taka . . . akapusuka.”

²⁵¹ Kabili nacimbi ico asosele palwa kwa Davidi, atile, “Icikolwe Davidi alicimwene, kabili atile, ‘Nalyo line umubili wandu ukekala mu kusubila pantu Takaleke umweo Wandu kumbo, kabili Takaleke Uwa Mushilo Wakwe ukumona ububole.’ Leken nande uwakakuka kuli imwe, ba munyina, palwa cikolwe Davidi, alifwa kabili alishikwa, kabili imanda yakwe yaba naifwe ukufika pali buno bushiku. Mwamona, lelo ena, pakuba kasesema, amwene ukubuuka kwa kwa Kristu. Leken cishibikwe kuli imwe, ukutila uyu Yesu, uo imwe mwanike ne minwe iya bupulumushi, Lesa na Mupanga fyonse fibili Shikulu na Kristu.”

²⁵² Ilyo baumfwile ici, cabapita ku mitima yabo, kabili batile, “Mwe baume na bamunyina,” nangu, “Dokota Simoni Petro, tulebele Ubulondoloshi. Musango nshi twinga kwatilamo Ici? Ifwe tulefwaya ukundapwa ku lubembu.” Oh!

²⁵³ Nomba mumoneni ena, ifyo asosele. Nomba muli nokusanga apo aya machalichi yafumine munshila. Atile, “Lolela pali miniti! Nala lemba Ubulondoloshi, kabili buli nokuba Ubulondoloshi ubwa Muyayaya. Cikaba cenu, na kubana benu, na kuli bonse abakutali, kabili nabonse abo Shikulu Lesa wesu aketa.”

²⁵⁴ Ni cinshi ico asosele? Musango nshi acipangilemo? Nga filya ba Katolika bakwata? Nga filya ba Baptisti bakwata? Nga fintu ba Methodisti bakwata ici? Onse pali bena balilundako icintu cimo nangu ukufumyako icintu cimo kuli Ici. Nga ba Pentecosti? Bena balilundileko nangu ukufumyako. Lelo nifinshi ena alandile? “Lapileni, cila umo muli imwe, no kubatishiwa mwi Shina lyakwa Yesu Kristu ku kulekelelwa kwa membu shenu, kabili mukapokelela ica bupe Mupashi wa Mushilo.” Ubo Ubulondoloshi ubwa Muyayaya! “Cena cenu, na kubana benu; ici cikatwalilila ukuya fye ukupita mu nkulo yonse iyamachalichi, ukupela Cena kuli cila umo uwa muli bena.”

²⁵⁵ O mwe Lesa, sangululeni amaboko yandi. Sangululeni umutima wandu, Shikulu. Leken. . . Nga cena cisenda cibusa

onse uo Nakwata, lekeni mpele Ubulondoloshi umusango Dokota asosele ukupela Cena.

256 Emulandu wine mwakwatila amachalichi ayengi ayafwa, ba membala abengi nganshi abafwa. Mulelundamo ifyakwipaya sumu, kabili ukufumyako ifyafula nganshi ukufumya kuli Cena mpaka Ubulondoloshi mwakana ukuba nangu cimo, tekuti buposhe nangu cimo; ukuposhanya mu minwe, no kuilunda kumachalichi, nokusansa. Oh, uluse, cilya te Bulondoloshi, cilya nimfwa. Nga mulefwaya u Mweo, kabili mulefwaya Mupashi wa Mushilo, konkeni ifyo Lesa asosele ukucita. Sendeni Ubulondoloshi! Filya fine emusango Asoselemo, “Mwilundako kuli Cena nangu ukufumyako kuli Cena.” Nomba kwaisa Ubusokololo nokutilla, “Uyo onse ukafumyako nangu ukulundako, uyo wine akafumishiwa (iciputulwa cakwe) ukufuma mwi Buuku lya Mweo.” Oh, owe, ulya ni Dokota *umwine mwine*. Oh, Nali Mutemwa. Bushe tamucita ico?

257 Oh, kuli ilya nkulo iikalamba, iya Nkulo ya Efese, ilyo ici pano icabufi catendeke fye ukwingilamo, ukupanga utubungwe. Kabili ba kakumba na ba dikoni. . . nangu te ba dikoni, lelo ba kakumba. . . te bakakumba, lelo ba Cardinal, ba bishopo, ba papa, bacilolo bachalichi, ukweba Mupashi wa Mushilo, ukweba i Chalichi, “Nomba, iwe teti ukwate ico muno!” Umukalamba ninani, nangu cingaba ifyo?

258 Petro bali mwipwishe cilya inshita imo. Batile, “Iwe tekuti ushimikile nakabili mwi Shina lyakwa Yesu. Imwe kuti mwashimikila nga mulefwaya ukushimikila, lelo te mwi Shina lyakwa Yesu.” Oh, ciwa alipata lilye Shina!

259 Petro atile, “Bushe cilifye bwino ukuli ine. . .” Baibele itila, “Petro ukuba uwaisulamo. . .” (icilonganino?) Oh, ah, “. . . Mupashi wa Mushilo.” Atile, “Lolela, Nalaya mone kacefya mukalamba, ukumona ifyo anjeba ukucita palwa Ici.”

260 Lekeni mwebe. Bushe mwalishiba ba Assemblies of God balikwata bashing’anga wamatontonkanyo abaakupingula, kabili ukusenda ba minshioni babo mukumona shing’anga wamatontonkanyo, ukumona nga cakuti uyo muntu kuti aba minshioni? Ba Pentecostal Assemblies of God. Nibanga batala umfwapo cilya? Mucine, cena nacipwa conse, cila muntu alishiba. Mucine. Uufwile ukubebeta ba minshioni nokuba kapingula, shing’anga wa matontonkanyo nangu Mupashi wa Mushilo? Mwamona, cilya eco mukwata, mukukwata umuntu. Mwamona, ifyasangwa ifyakulenga abantu, amasambilisho ayapangwa no muntu. Loleleni mpaka tufike kulya kuli ilya nkulo ya Pentecosti! Lesa ali nokoca cilya cintu filya fine isonde lyaba. Ee, mukwai. Ee, mucine. Kabili muli nokumona cileikata umulilo ukuya fye pantanshi. Uh, hum. Bwino bwinofye.

261 Lelo ubushiku bumo ubwa bukata Akesa. Kabili ibukisheni, umfweni, kwaba inkulo sha machlichi cinelubali. Bushe ico

nacilungama? Kwaba inkulo shamchalichi cinelubali. Kabili muleibukisha ilyo baile kulya mukukumanya Nabwinga—Shibwinga, mukashita akanono baishile pona mutulo mukumona kwakubalilapo (Bushe ico nacilungama?) (Mucine, te—tekufwa, kulala.) mukumona kwacitatu, mukumona kwacine, mukumona kwacisano, mukumona kwamutanda; kabili mukwa cine lubali iciunda caishile, “Moneni, Shibwinga aleisa! Kabiyeni muye Mukumanya!” Cinshi icacitike? Bonse balya banacisungu abalele, balishibwike.

Ubushiku bwa buta kabili ubwabula amakumbi ilyo abafwila muli Kristu bakema, (Ukwabula amakumbi, u Lubuuto lwa cungulo bushiku lukalabengeshima.) Kabili nolucelo lukafumya u Muyayaya, ukwabuuta kabili ukusuma; Ilyo bapusushiwa pe sonde bakalongana ku mayanda yabo kwishilya lya lwelele, Ilya keta na mashina, Nkabeko.

Ilya keta na mashina,
Ilya keta na mashina,
Ilya keta na mashina,
Ilya keta na mashina, Nkabeko.

Natubombele Shikulu ukufuma ukutula kwakasuba mpaka ukuwa kwakasuba, Lekeneni tulande pa kutemwa Kwakwe konse ukwa fisungusho no kusakamana; Lyena ilyo umweo onse wapwa, kabili umulimo wesu pesonde wacitwa, Ilya keta na mashina, . . .

Umwana wakwa Lesa onse imyeni amaboko yenu nombaba:

Ilya keta na mashina,
Ilya keta na mashina,
Ilya keta na mashina,
Ilyo amashina yaketwa kulya, Nkaba kulya.
(Oh!)

Muli panono panono umusuma,
Tukakumana pa Lulamba lulya ulusuma;
Muli panono panono umusuma,
Tukakumana pa Lulamba lulya ulusuma.

²⁶² Bushe mwalitemwa inyimbo ishakale isha chalichi? Oh!

Kuli Taata kapela wafyonse mumuulu,
Tukapela ukutasha kwamalumbo yesu,
Pa cabukata icabupe Cakwe icakutemwa,
Kabili amapalo ayawamishe ubushiku bwesu.

Muli panono panono umusuma,
 Tukakumana pa Lulamba lulya ulusuma;
 Muli panono panono umusuma,
 Tukakumana pa Lulamba lulya ulusuma.

Nomba poshanyeni mumaboko nomuntu umo uuli mupepi na imwe, ukushinguluka nga filya. Ico cisuma.

. . . mulipanono umusuma,

Tileni, “Ndi noku kukumanya munyina.”

Tukakumana pa Lulamba lulya ulusuma;
 Muli panono panono umusuma,
 Tukakumana pa Lulamba lulya ulusuma.
 Tukemba kulya ku Lulamba ulusuma,
 Ulwimbo ulwaumfwika bwino . . .

Cila muntu alelwimba nomba.

Kabili umupashi wesu tawakabe nobulanda libili,
 Takwakabe ukufumya umupu wa mapalo yesu aya kutusha.

Cila muntu, namaboko yenu pa mulu:

Muli panono panono umusuma,
 Oh, tukakumana pa Lulamba ulusuma;
 Muli panono panono umusuma,
 Tukakumana pa Lulamba lulya ulusuma.

²⁶³ Ne mitwe yesu iyakontamikwa nomba, lekeni tusose ci:

Shikulu Yesu, Nali Mitemwa. Nalicetekela ukutila Yesu Kristu Mwana wakwa Lesa, Lesa ukulengwa ukumonekela mumubili ukusenda ulubembu lwandi. Nshilecetekela ifyakucita ifisuma fyandi, Nshakwata, lelo Ndecetekelafye mu fisuma fyakwa Yesu Kristu, Uyo uuli ni Kapususha wandi, Lesa wandi, Imfuma yandi. Nali Mutemwa. Amen.

²⁶⁴ Mailo ubushiku pa seveni koloko, Shikulu nga asuminisha, tuli nokusenda chalichi ca Smurna.

Mu musuma . . .

Nemitwe yesu iyakontamikwa nomba.

(Oh, panono na panono!)
 Tukakumana pa Lulamba lulya ulusuma;
 (Panono na panono!)
 Muli panono panono umusuma,
 Tukakumana pa Lulamba lulya ulusuma.

Nomba panono panono, cila muntu, umusuma:

Oh, kuli Taata kapela wafyonse kumulu,
 Tukapela ukutasha kwamalumbo yesu,
 Pa cabukata icabupe cakutemwa Kwakwe . . .



INKULO YA CHALICHI CABENA EFESO BEM60-1205
(The Ephesian Church Age)

UKUSOKOLOLWA KWAKWA YESU KRISTU MUKUKONKANA

Iyi Mbila na Munyina William Marrion Branham yaletelwe intendekele mu Cingeleshi pali Cimo mucungulo bushiku, mu Mupundu milimo pa 5, 1960, pa Branham Tabernacle, mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org